

I JWI LYA CITONDEZYO

 Nda lumba. Twa lombwa katu ciimvwi kwa kaindi kaniini, kuciindi notu bala Ijwi, kuunka kugama nkoonya ku Ijwi sunumasiku, kutegwaa tutatoli ciindi cilamfu. Ndi yanda kuti mujule a ndime, sunumasiku, ku Bbuku lya Kulonga, a kutalikila aa cipati ca 4 ca Bbuku lya Kulonga.

Elyo Musa wakavuwa a kuti, Pele, Bona, taba kandi syomi, nanka kuswiilila ku jwi lyangu: nkambo ba yooti, I MWAMI tali bonya kuli nduwe.

Elyo MWAMI wakati kuli nguwe, Ncinzi eco cili mu janza lyako? Elyo wa kati, Ii musako.

Elyo wa kati, Kousowela ansi. Elyo wa kausowela ansi, nkabela waka sanduka kuba nzoka; elyo Musa wakatija kuzwa kuli njiyo.

Elyo MWAMI wakati kuli Musa, Bikka janza lyako, elyo kwijjata ku mucila. Elyo wa kabikka janza lyakwe, a kwijjata, nkabela yakaba musako mu janza lyakwe:

Kutegwa bakasyome kuti MWAMI Leza wa bamausi abo, Leza wa Abrahamu, . . . Leza wa Izaka, . . . Leza wa Jakobo, wa libonya kuli nduwe.

Elyo MWAMI wakaya ambele kwaamba kuli nguwe, Bika lino janza lyako mu camba cako. Elyo wa kabikka janza lyakwe mu camba cakwe: elyo cindi nakali gusya, amubone, janza lyakwe lyakaba aa cinsenda mbuli caanda.

Elyo wa kati, Bikka janza lyako mu camba cako alubo. Elyo wa kabikka janza lyakwe mu camba cakwe alubo; a kuli gusya mu camba cakwe, elyo, amubone, lya . . . kasanduka alubo mbuli nyama yakwe imwi.

Elyo ciyo boola ku citika kuti, ikuti na taba kakusyomi, nanka kuswiilila ku jwi lya citondezyo citaanzi, nkokuti bayo syoma jwi lya citondezyo cabili.

² Atu kotamike mitwe yesu. Elyo a mitwe yesu kiikoteme, a myoyo yesu, ayalo, Nda libuzya ikuti na kuli uli oonse omuno sunumasiku oyo ujisi nkumbizyo ya mupailo? Koizibya mbuli mbo tutambika maanza esu. Leza ape inkumbizyo zyanu.

³ Taata wesu Wakujulu, twa langanya eci kuba coolwe nconzyo, kuboola kuli Nduwe mu mupailo, kuboola mu Zina lya Mwami Jesu. Alimwi twa kasyomezegwa kuli Nguwe, ikuti na twa lomba kufumbwacintu mu Zina Lyakwe, ciyo pegwa. Yebo ulizi kubula kwa oonse wesu. Ulizi ezyo maanza esu nca iiminina mbuli mbwa unkide mujulu. Nda komba, Taata, kuti Uyo ingula nkumbizyo aimwi sunumasiku. Tambula bulemu.

⁴ Elyo lino lekela Mwiiyi mupati wa Ijwi, Muuya Uusalala, uboole ali ndiswe, sunumasiku, aku liyubununa Lwakwe kuli ndiswe, a—a kuliyubununa Lwakwe kuli ndiswe, kwiinda ku—ku bumboni bwa bubuke Bwakwe. Akube kuti Aboole akati kesu, sunumasiku, Mwami, a—a kuswaya myoyo yesu. Kokanana kuli ndiswe kwiinda mu zintu ezyo Nzya kasyomezya ku buzuba obuno. Akube kuti Majwi ayo aka syomezegwa ku oora eli ayubululwe kumbele lyesu, kutegwa tube a kaanzambwene, mu ciindi eci cipati cabuyumuyumu Neo kaamba kuti cakali kuyo boola atala a nyika, kusola bantu boonse. Elyo casika ncobeni ku ciindi eco, Taata, cindi bantu noba solekwa. Elyo kuli tumpangaliko tunji loko tusiyenesiyene, kusikila taakwe naba omwe ucizi ca kucita. Pele, Mwami, Nda komba kuti Uyo zibya kuli ndiswe, sunumasiku, kuti Uli waano antoomwe a ndiswe, Cili waano ku tugwasya. Kopa inkumbizyo zyesu, nkambo twa cilomba mu Zina lya Jesu. Ameni.

Amu kkale.

⁵ Ndali kumuka aniini buyo busiku abumwi. Elyo Ndila zumanana kuyeeya zya maikrofooni *eyi*, pele njiimwi kuli basikurekkooda. Pele eyi *awa*, Ndi yeeya kuti, njiimwi eyo awo Nje elede kuswiilila, na kwaambawida.

⁶ Junza masiku mbusiku bwa cipobwe, aboobo muta bulubi. Ndi yeeya kuti... Nda yeeyela caambilizigwa, kuti nkokuli bantu nko beeleder kuunka.

⁷ Twa lumba ncobeni ku kubelekela antoomwe kwanu mu zintu zipati Mwami nzya cita.

⁸ Lino, sunumasiku, Ndi yeeya kuti, na ta tu lizi Ijwi lya Leza, ta tuzi caku cita pe. Ta tu konzyi kuba a lusyomo kusikila twa ziba kuti nduyando lwa Leza. Elyo, ninzi, mpawo ikuti twa ziba kuti nduyando lwa Leza, Ijwi lya Leza lyaamba cintucimwi, mpawo tula konzya kutobelala eco cakukondwa.

⁹ Lino ikuti Mwami Jesu nali kwendeenda, camugame, aa nyika sunumasiku, mu mibili wa buntunsi, nkabelala Wa amba kuti, “Juunza imvula inoowa, buzuba boonse,” lino inga caba citete maningi kuli ndime kubwezeleya ambulela cindi Nda nyamuka cifumo, nkaambo Wa kacaamba. Lino, ikuti na Ta kacaamba, Ta ndizi mpawo eco caku langawo. Aboobo nje nzila mbo cibede, mu cintu cili coonse nco tu cita, tu yanda kuziba oora, bukkalo mbo tupona.

¹⁰ Elyo bakazwaa kusika, eyi mvwiki twa sola kutondezya kuti Leza, kuzwa kumatalikilo, wakalizi mamanino. Eco ci Mumba kuba mupatikampatila. Ikuti na Tali mupatikampatila, mupatikampatila, Tali Leza. Elyo We elede kuba ujisi nguzuzyonse, ulikokoonse, uzizyonse, a ujisi nguzuzyonse, kuba Leza. Ezyo ninguzu zyoonse, ulizi zintu zyoonse, mu masena oonse, alimwi—alimwi—alimwi ulizi mamanino kuzwa kumatalikilo. Ikuti na Ta citi, nkokuti Tali Leza.

¹¹ Aboobo taakwe cintu cizwide ncobeni mu bweende bululeme. Kwalo ndiswe. Pele taakwe cintu mu Ijwi ly a Leza; cileenda mbubonya mbuli nkoloko. Elyo cindi elyo oora lyasika kuli ncico kucitika, i Ijwi elyo lyaka bikkilwa bukkalo obo, cila citika. Inga twayeeya kuti ci...taci kacitiki. Ziindizimwi cila citika nkabela tatu cizibi. Jesu wakati, ciindi cimwi...

¹² Ba kati kuli Nguwe, "Nkaambonzi cili i—i...boonse balembi baamba kuti 'Eliasi weelede kuboola lutaanz?' Mwabona, lino, ba kali kusyoma obo. Ba kali kusyoma kuti Eliasi wakali kuboola.

¹³ Elyo Jesu waka balanga, a kuti, "Eliasi wakaboola kale, nkabela tii mwa kamuziba." Mwabona? Lino, mwabona, caka beenguluka ncobeni balembi, bakutausi, basikwiya. Elyo wakali Johane Mubapatizi, elyo wakaboola mu nzila yoonse eyo Eliya nya keelede kuboola, nekubaboobo tiiba kamuziba.

¹⁴ Elyo lino cilayandika kuli ndiswe kuziba oora elyo ndyo tupona, a ciindi nco tupona. Atala ali ceeco, Ndi yanda kukanana sunumasiku aa: *I Jwi Lya Citondezyo*.

¹⁵ Ii cibalo ceenzu, nekubaboobo Leza ulacita zintu zyeenzu mu nzila zigambya. Eco nceci Mu bamba kuba Leza, nkaambo Walo—Walo ncigambyociinda. Elyo zintuzyonse Nzya cita, Ula—Ula cicita, Ula konzya ku cicita mu cigambyociinda, nkaambo Walo ncigambyociinda.

¹⁶ Lino, *I Jwi Lya Citondezyo*. Elyo nca ii...Kuli jwi ku citondezyo. Kuli jwi ku bulowa. Bulowa bwa kaambaula kuzwa munyika, a—a zimwi zimbi, "I bulowa bululeme bwa Abela bwakaamba kulwana Kaini." Elyo Bbaibbele lyakati, "I Bulowa bwa Jesu Kristo bukanana zintu zipati kwiinda bulowa bwa Abela mbo bwakacita."

¹⁷ Lino bubambe bwesu sunumasiku, na cilao cesu, kujula mu Kulonga. Elyo ciindi ca Kulonga nciindi cakwiita kuzwa, elyo kulonga kwakali afwaafwi.

¹⁸ Musa, mulanda wa Mwami, waka liitidwe ku ii—ii bulizi bwa mulimo. Elyo mukucita eco ncakali kuyeeya, wa kali yiide loko mu Egepita, kaiya boonse i—i busongo bwa bana Egepita, a kulibonya kuti wakali jisi nzila ii—ii nzila, kuti mukuba sibupampu musalesale mupati wampi, kuti wakali kukonzya kunununa bantu bakwe kuzwa ku bwaange obo, nkaambo wa kali nguutobela kuboola kuba Farao. Elyo obo mbo cakali kunooba citete kuli nguwe ku cicita. Pele, nywebo mwabona, ikuti eco ako kakali kaambo, mpawo nicakaba cintu cakunyama.

¹⁹ Leza tabwezi zintu zyakunyama. Ubweza zintu zigambyakwiinda kulitondezya Mwini.

²⁰ Aboobo kuzwa ku myaka ili makumi one ya lwiiyo, lwaatala maningi olo ndwakali kukonzya kujana, a lubotu kwiinda

ndwakali kuno kujana, uyiide maningi walwiyo lwaatala mbwakali kunooba; a kumvwisywa kuzwa kuli banyina, mwiiyi wakwe, kuti wa keelede kaba nguwe wakali novuna bantu; elyo wa kaunka mu nguzu zya kumvwisywa kwakwe, a ku jaya muna Egepita. Elyo, kuzwa waawo, jana kuti kusoleka kwakwe kwabukanze kwaakakilwa, elyo mpawo kazuzila mu lukula.

²¹ Elyo eco Egepita, mu lwiiyo, ncoya kabikka muli nguwe mu myaka ili makumi one, cakatolela Leza myaka imbi ili makumi one ku lugwisya kuli nguwe, mwabona, kutegwa kata syomi kulilemeka kwa milao ya lwiiyo lwakwe. Wa keelede kusyoma mu cigambyociinda.

²² Elyo ciindi cakasika eco Leza nca kapanga cisyomezyo, kuli Abrahamu, myaka ili myaanda yone kakutana ciindi eco, kuti lunyungu lwakwe luyo ingaila mu nyika nyezu, nkabela bayo gusigwa. Kumane myaka ili makumi one, bayo gusigwa a janza lyanguzu. Wa keelede kuvuna bantu bakwe kwiinda ku janza lyanguzu. Elyo ciindi ca cisyomezyo nica kaswena, nde ndilyo Leza naka bikka Musa a cilao. Musa, mu kukakilwa kwakwe kumaninide, waka unkide mu lukula.

²³ Lino mukozyanyo awa, kuli mukozyanyo mubotu ngo tu tayandi kwiimpya nconzyo. Mwabona? Kakozyanisy, Leza wakali kuleta Israyeli, bantu Bakwe, kuzwa, cisi, cisi kuzwa mu cisi. Ii Cisi kuzwa mu cisi, mukozyanyo mubotu wa sunu, wakuti Leza wiita Nabwiinga Wakwe kuzwa mu mbungano, Nabwiinga Munakristo kuzwa mu mbungano ya Bunakristo, Mbungano ya Nabwiinga kuzwa mu mbungano, eyo iiyitidwe, mu Bbaibbele, mbo yaambwa.

²⁴ Ndi jisi malembo manji a Magwalo aalembedwe aapepa awa, aa ciiyo eci sunumasiku.

²⁵ Ciitwa kuti, ziindizimwi, “I Basale, Basalidwe, na Basyaalizi balunyungu lwa mwanakazi.” Yakali kwiiitwa kuti, “Nabwiinga,” eco Leza, kwiinda kukuzibakale Kwakwe, nca kakanza kuba. Oyo ngu, Nabwiinga uzwa mu mbungano. Mwabona, cintu coonse ni mbungano, pele Leza ubweza bantu kuzwa mu mbungano eyo, mbuli Nabwiinga. Wa kati Uyo cita. Elyo Wa kacicita, amubone, na Uyo cicita.

²⁶ Amumvwisy, mwabona obo Mbwa kacicita, a ciyanza a boobo Mbwa kacicita. Tu yanda kulanga ali ceeci lino, mbuli Mbwa kagusya Israyeli, obo Mbwa kacicita, a ciyanza Mbwa—Mbwa kacicita.

²⁷ Amumvwisy ciindi ca Ijwi lyaka syomezegwa nilya keelede kuzulizigwa, Leza wakaita Musa, kwiinda kukukanzwakale, a ku musala ku mulimo. Mwabona? Leza lyoonse uli jisi muntu aa mbaakani, ku ciindi. Taakwe cintu cikaka kuli Leza. Wa kacaamba; tacikonzyi kukakilwa. Ikuti na cakakilwa, nkokuti Leza ulakakilwa, nkambo Leza ndi Ijwi.

²⁸ Amumvwisyé, lino, Ijwi lyakeelede kuyubululwa. Elyo cindi Ijwi nilya keelede kuyubululwa, lya cisýomezyo, Leza lyoonse ula tuma musinsimi kuyubulula cisýomezyo eco, nkaambo Ijwi lya Mwami liboola kuli nguwe.

²⁹ Musa, kakanzidwekale ku bukanze, kaitwa ku mulimo. Taakwe umbi wakali kukonzya kuucita.

³⁰ Cindi Leza a—a ita muntu ku mulimo wa kucita, taakwe umbi ukonzya kubweza busena bwawo. Taakwe umbi ukonzya kubweza busena bwako, bupange bwako busalesale.

³¹ Obo kanji Mbwe kagambwa, obo Mbwe kali kuyanda kubweza busena bwa Oral Roberts, obo Mbwe kali kuyanda kubweza busena bwa Billy Graham, muntuumwi mbuli boobo. Mbuli Billy Graham, kuunka kukanana ku bbunga lya bantu, kwiita basizibi ku cipaililo; kociluba a kuya ku ng'anda, kuta yandika kwima awo akulwanisya alubo. Nse konzyi kuba Billy Graham, pele nanka Billy Graham kuba ndime. Swebo bobilo...Nse konzyi kuba Oral Roberts; Oral Roberts takonzyi kuba ndime.

³² Muli, aumwi, uli kkede mu bweendelezi bulanganisiga kabotu bwa Leza, busena bwawo buyo. Umwi ula liimya kulya ziindi zyoonse a kwaambaula a Leza, kuciindi umwi umbi ulatanda madaimona nkaambo oyu uli muku liimya kulya. Pele walo Mubili oonse wa Kristo kuubeleka antoomwe, lukamantano. Cindi twa bona lubaya lwatubungwe ku twandaanya, eco nce cicisya moyo wangu, mwabona, nkaambo nce cintu eco citwandaanya. Tuli bomwe.

³³ Kunyina bantu bapati akati kesu, taakwe bantu balemu akati kesu. Swebo toonse tuleelene. Tuli bana ba Leza. Kuli biyo omwe mupati akati kesu, nkabela oyo ngu Kristo. Twe elede ku Mu ziba. Elyo ikuti tu yandaula bulemu, omwe kuzwa kuli umbi, ta tukonzyi kuba a lusyomo, nkaambo tu jisi lusyomo muli umwi aumwi. Twe elede kuba a lusyomo muli Kristo. Ngo Nguwe uli akati kesu omo mo tweelede kuba a lusyomo, elyo mpawo lusyomo muli ceeco Nca cita a nca pa kuli ndiswe.

³⁴ Lino, kunyina wakali kukonzya kubweza busena bwa Musa. Tacikwe makani kunji mbwa ka cija, alimwi tacikwe makani kunji nkwa kasola ku citaNtamuka, nekubaboobo Leza ulizi Nca cita. Wa kalizi eco Nca keelede kubweza a kupanga kuzwa muli Musa. Ezi zintu zya keelede kucitika. Lino, amulangilile, kunyina wakali kukonzya kubweza busena bwakwe.

³⁵ Lino amulangilile. Leza wa kamupa citondezyo, kutondezya bwiite a kutaminina kwakwe, cindi nakaselemukila mu Egepita.

³⁶ Lino, Leza lyoonse ulapa citondezyo ku mutumwa, a jwi lya citondezyo eco. Elyo citondezyo eco cizibya muntu, ikuti na kuli lembedwe mu Lugwalo.

³⁷ Mbuli Johane mbwa kaamba, “Ndime jwi ly a oyo woopolola mu nkanda.”

Ba kati, “Sena nduwe Mesiya?”

³⁸ Wa kati, “Nseli Mesiya. Pele Ndili jwi ly a oyo woopolola mu nkanda, mbuli musinsimi Isaya mbwa kaamba.” Wa kali kukonzya kulizibya mwini caantangalala.

³⁹ Elyo lino, mpawo, muli ceeco, tu jana kuti Leza, lyoonse, tacinci nzila Yakwe yakucita cintu cili coonse. Ta konzyi kucinca. Leza ucita zintuzyonse mbubonya mu nzila njionya, cindi Walo—Walo abikka matobelanwa Aakwe antoomwe.

⁴⁰ Mbuli Mbwe kaamba busiku bumwi, Wa kabamba muzeeo omwe, muntu weelede kufutulwa kwiinda ku kutilwa kwa Bulowa bwa Umwi utakwekaambo. Twa kasoleka zintuzyonse zimbi, kubamba muntu kufutulwa. Twa kasoleka ku muleta ku busena nko twa kayaka muunzi, Nebukadinezara wakacita. Elyo ba kayaka ngazi, Nimurodi wakacita. Ba kali jisi mulao. Alimwi ba kalijisi matempele. Ba kalijisi mambungano. Ba kalijisi tubunga. Ba kalijisi mabambe aa lwiyo, mabambe aa tubungwe, kusoleka kutola muntu kuli Leza. Kwalo, koonse nokuceya, kwakaalilwa. Kuyo kakilwa lyoonse. Kula jokela nkoonya ku kukutilwa kwa Bulowa!

⁴¹ Nzila ya Leza yakucita cintu cili coonse yakaambwa mu Ijwi Lyakwe. Elyo Ijwi eli nciyubunuzyo cizwide ca Jesu Kristo, taakwe cintu ceelede kuyungizigwa kuli Ndilyo nanka kugusigwa kuli Ndilyo. “Kufumbwa oyo ucicita,” Bbaibbele lyakati, “cibeela cakwe ciyo gusigwa mu Bbuku ly a Buumi ly a Mwanaambelele,” ikuti na wayungizya cintu cili coonse na kugusya cintu cili coonse kuli Ndilyo. Amu Li bweza buyo inzila mbo Li lembewe.

⁴² I Bbaibbele taliyandi muntu uli oonse ku Li pandulula, Leza ngu sikupandulula Lwakwe Mwini. Ula Li pandulula kwiinda mukucita eco Nca amba kuboola kucitika. Eco cila cibamba. Ikuti na Leza wa kacaamba, nkabela Wa kacicita, kwa mana. Ta liyandikani sikupandulula. I Bbaibbele lyakati, “Talikwe bupanduluzi bwa muntu omwe.”

⁴³ Nzila ya Leza yaku cicita! Lasyomeka lyoonse ku citondezyo Cakwe cakatumwa, Wa katobela kwiinda mu jwi Lyakwe; lyoonse, kuzwa eelyo, kuti Leza ulatuma citondezyo mu nyika. “Lino Leza taciti cintu pe,” Bbaibbele lyakati, “cita mane lutaanzi Wa citondezya ku balanda Bakwe basinsimi.” Lino kuti, nywebo... Ikuti na eco cili lubide, nkokuti coonse ca ncico cili lubide, mwabona. Ta citi cintu cili coonse cita mane Wa citondezya.

⁴⁴ Elyo mulunguluzi oyo, musinsimi, weelede kuzibisigwa, kuti eco nca sinsima, tu jana kuti mu Myeelwe 12:6, eco ncencico ncaamba ciboola kucitika. Mpawo, nku cisyoma. Pele ikuti na tacibooli ku citika, mpawo muta cisyomi. Elyo ceelede kuba

ca ceeco, Lyakwe... Tacikwe makani kunji oko nkwaamba, nkabela cila boola kucitika, elyo kufumbwa mbocibede; ikuti na ta ceendelani a Ijwi, mpawo cicilubide. Ceelede kuba a Ijwi. Ceelede kubikkwa mu maccililanwa a Ijwi kuba citondezyo ca ciindi eco, ciindi eco nco baponamo.

⁴⁵ Lino, eci caka syomezegwa aa Leza, kuti Wa kali kuyonununa bantu Bakwe a kuboko kwanguzu. Lino, cindi Ijwi eli, Ta kaita mupaizi, Ta kaita rabi, Ta kaita dundumuntule. Wa kaita mweembezi, aanze lya mulundu, musinsimi, sikuloboka, watakali kuyanda mulimo wakwe.

⁴⁶ Cindi mwamvwa bantu kuyanda kuba *obu*, *eco*, na *bumbi*, cintucimwi, amulangilile buyo, Leza taba belesyi pe. Leza waka cita ku vvima Musa kunselelo, ku mujana. Wa kacita kuvwima Paulo, ku mujana. Wa... Walo muntu oyo utayandi ku cicita, taba yandi zintu; mpawo Leza ula mubweza muntu oyo, oyo uta yandi kucita, kutegwa atondezye bulemu Bwakwe kuli ncico.

⁴⁷ Lino amulangilile. Coonse—coonse citondezyo cabwini cakatumwa aa Leza cila tobewa a jwi. Lino amubone awa, cibalo nca i... citondezyo a jwi. "Ikuti na taba kasyomi jwi lya citondezyo citaanzi, mpawo bayo syoma jwi lya citondezyo cabili." Lino, citondezyo cijisi jwi. Elyo, lino, coonse citondezyo cabwini cakatumwa a Leza cijisi jwi, nkabela jwi elyo lyeelede kukanana kweendelana ku Ijwi elyo lyaka pegwa ku buzuba obo, mbubonya buyo.

⁴⁸ Ikuti na jwi lyaboola, jwi ndilyonya lyakale lya kakale ndyoonya... Mula cibona citondezyo, mubwini, elyo citondezyo eco muntu nca cita ninzila imwi ya kuyeeya kwakale, mpawo mulakonzya kwaamba ndyoonya buyo, "Eco tii cakazwa kuli Leza," ikuti na cazumanana kuzibya nzila imwi ya kuyeeya kwakale. Tii caka cita. Ta cina. Inga lwana bubambe bwa Leza.

⁴⁹ Ceelede kuba cintucimwi cipywa. Ceelede kuba cintucimwi eco bantu ncoba tamvwisyi. Ci jisi i...na pe nicata katumwa. Tee cakali kuyandika kutumwa, ikuti na nkuyeeya kumwi kwa zyabukombi. Ceelede kuba cintucimwi caandene, nekubaboobo ceelede kuzibwa mu Ijwi, kuti nca buzuba obo. Mwabona, kutonkomana kwa Ijwi lya Leza, ceelede kuba boobo. Kunyina kulubizywa kwa bufuba kuli ncico. Bweelede kuba Bwini; bweelede kusimpikizigwa aa Leza, Bwini. Elyo muntu oyo ucaamba weeblede kuba wa kasimpikizigwa aa Leza, kuba mulunguluzi uuzwa kuli Leza, nape cili lubide; ta ba akwalo—ba ciboni akwalo, nokuceya, ta bacisyomi akwalo.

⁵⁰ Zitondezyo zyalozyalozizwa kuli Leza. I citondezyo eco citobela... Na, jwi elyo litobela citondezyo lyeelede kuba jwi lya Leza lyaambaula kuzwa mu Ijwi, lya bukkalo obo. Sena mwacimvwisy? [Mbunga yaamba, "Ameni."—Mul.]

⁵¹ Leza ulapa zitondezyo. Nkaambonzi Nca cicitila? Lyoonse ulapa zitondezyo! Wa kabaambilila kuti moomo bayo Mu

yandawidamo, zitondezyo. Leza ulapa zitondezyo kukwelelezya kumvwisya kwa bantu Bakwe. Lino atulangelange eci, cakumaninina. Mwabona, zitondezyo zipedwa ku kukwelelezya kumvwisya kwa bantu. Nkaambo, cindi citondezyo catumwa aa Leza capegwa, Leza uli libambilide kukanana. Leza uli libambilide kukanana, cindi citondezyo capegwa. Ikuti na cizwa ku Julu, cazwa kuli Leza, nkabela Leza uli libambilide kukanana alimwi Walo usola kukwelelezya kumvwisya kwa bantu.

⁵² Elyo Ijwi liboola ku musinsimi Wakwe. Elyo musinsimi ulazibisigwa kwiinda ku citondezyo eco nca tondezya, elyo mpawo uboola ku Ijwi nkabela Ijwi lilayubululwa. Eco cila cibamba; takuyandikani busanduluzi buli bonse. Leza waka cipandulula kale. Mwabona, cili londokede buyo mbuli mbo cikonzya kuba.

⁵³ Lino amubone, Leza upa zitondezyo zya kukwelelezya kumvwisya kwa bantu.

⁵⁴ Awa, citeo ciyaka cakali citondezyo caku kwelelezya musinsimi; citeo ciyaka. Musa wakali, kumbo lya lukula, keembela mbelele, mweembezi wa mbelele mudaala, myaka ya makumi ali lusele yakukomena, cilezu cilamfu; kayabuya, kunselelo kumbali lya kazila kalyoonse kakaindi kakazilwe, cifumo cimwi cakali kupya, ambweni. Elyo mpawo, mpoonya buyo, mpaawo kwakaboola citeo ciyaka mu Mulilo, nkabela citeo eco ticakali kupya pe. Ee, eco cakali cigambyo cimaninide.

⁵⁵ Lino, Musa mukuba muna sayaansi, kwalo, wa ka yiisiga mu busongo boonse bwa bana Egepita, elyo bakali bana sayaansi bapati kwiinda mbo tu jisi sunu; aboobo mukuba muna sayaansi, kulibonya kuti nakati, "Lino Nda unka kuyo bona kuti musyobo nzi wa ma-... wa musamu wakasansailwa aa matu ayo, kutegwa cisamu eco citapyi." Mwabona, ikuti naka cilanganya mu nzila yasayaansi, Nilya takaambaula kuli nguwe.

⁵⁶ Elyo mbokubede asunu, cindi twa sola kulanganya kwiinda mu cikolo a lwiyo, mu nzila yasayaansi, muyo mwiimpya Leza mamaile ali milioni. Amu cilanganye mbuli Musa, a mabbusu aakwe kasamunwide; cabubombe, lubombo.

⁵⁷ Elyo, lino, mpaawo kwakali citondezyo ca kukwelelezya musinsimi. Lino, oko, citondezyo eco cakeelede kuba a jwi. Elyo cindi jwi elyo nilya kakanana, ikuti na tee Lya kaba lya Malembe, Nse syomi kuti musinsimi naka swiilila kuli ndilyo. Pele amulangilile obo jwi lya Malembe mbo lyakali kweenda antoomwe a citondezyo, lyaka tondezya kuti wakali Leza, nkambo Wa kati, "Nda mvwa ntongelo zya bantu Bangu, elyo Nda ibaluka cisyomezyo Nce kabamba kuli mbabo." Mwabona, citondezyo, mpawo jwi lya Malembe kusule lya citondezyo.

⁵⁸ Lino eco cilatondezya ncobeni eco Nce zwaa kubamba kuntalisyo. Ceelede kuba citondezyo kuzwa kuli Leza, alimwi, ikuti na mbo cibede, kuli jwi lya Malembe kusule lya ncico,

ku cisyomezyo ca buzuba obo. Kutali kuyeeya kumwi kwakale; bama rabi a zintu zyali ku citika moonse mu cikolo, na zintuzyonse, kuzwa kumatalikilo, kuzwa kumatalikilo, bapaizi, azimwi zimbi. Pele eci ncintucimwi cipy, alimwi nca Malembe, calo ncisyomezyo; a citondezyo ca kukwelelezya musinsimi.

⁵⁹ Elyo mpawo, Wa kati lino, katana unka kumusanza okuya, weelede kuba a cintucimwi cimusimpikizya kuba musinsimi, mwabona, kabatana ku mutambula. Kati, "Taba kaambi kuti Mwami wabonekela kuli ndime."

⁶⁰ Kati, "Mpawo, Ndiyo kupa zitondezyo zyobilo zya kucita, elyo ziyo kwelelezya kumvvisya kwa bantu. Elyo cindi kumvisya kwa bantu kwa kwelelezegwa, mpawo kakanane majwi aya kuli mbabo, 'Ndime Leza wa Abrahamu, Izaka a Jakobo, nkabela Nda ibaluka cisyomezyo Cangu.' Elyo Nda kutuma kumusanza kuyo bagusya, alimwi Ndiyo oba a nduwe."

⁶¹ Sena mwa cibona citondezyo cakwe citaanzi? Wa kali jisi misyobo yoonse ya basikulikozyanisa. Bantubonse bakasola kufusa nzoka ansi. Oko nku... Ikuti na obo tabuli mbo bweende bwa bantu, Nsezi na ncinzi, mwabona. Mwabona? Pele ino musyobo nzi wa jwi ndyobaka jisi kusule lya ncico? Taakwe; jwi lina Egepita lya inyika. Nekubaboobo bakali kukonzya kucita citondezyo, pele tiiba kajisi jwi kusule lya ncico, ku ciiminina. Pele Musa wa kajisi MBUBOOBU MBWAAMBA I MWAMI. Olo ndolwakali lwandaano. Basikulikozyanisa kumalekelo bakazumanana kwa ciindi cilamfu, pele kumalekelo cakaala.

⁶² Sena mulizi kuti Bbaibbele lyakati eco ciyo citika alubo mu mazuba aakumamanino? "Mbuli Janesi a Jambresi mbo bakakazya Musa, mbo bayocita mbubonya bantu ba mizeeo izangide kujatikizya Bwini." Nguni Bwini? Jesu Kristo walo Mbwini. Mwabona? "Mizeeo izangide kujatikizya Bwini."

⁶³ Lino Jehova uyo kanana ku Ijwi Lyakwe lyaka syomezegwa. Walo weelede kubamba musinsimi oyu kulibambilta kutumwa kumusanza. Nkaambo, lyoonse kuli mu nzila Yakwe ya kuyeeya, nzila Yakwe ya kucita, ciindi acimwi utuma musinsimi Wakwe a Ijwi, a kusimpikizya musinsimi.

⁶⁴ Alubo, eci ncitondezyo cakasyomezegwa. Ii musinsimi, lwakwe, ncitondezyo. I Bbaibbele lya kaamba obo. Cindi mwabona kumana kwa ziindi, elyo mpawo kubona kuboola... Amubweze makani akale aa Bbaibbele, amwa alangelange. Kufumbwacindi mwabona kumana kwa ciindi; pele buyo mwabona musinsimi kayutuka, cakali citondezyo ca lubeta. Leza wakali kuyo beteka inyika, cindi Na...na cisi, na bantu, cindi nimwa bona musinsimi kaboola. Nda kakambauka nkambauko ali ncico, nywebo nobaalumi ba mateepu mulayeeya, i...*Ii Citondezyo Ca Bwini Citamvugwi*. Taba cimvwisyi lyoonse, lyoonse bala cita, pele cakali citondezyo ca lubeta lwakali kuboola.

⁶⁵ Lino Ijwi Lyakwe lila zulizigwa mu jwi Lyakwe. Eco Nca syomezya, mpawo Ula zulizya Ijwi Lyakwe kwiinda ku jwi.

⁶⁶ I kuboola kwa musinsimi ncitondezyo ca lucenjezyo kuteeti lubeta luli afwaafwi. Lyoonse mbo kwaabede. Andi balulule omwe buyo.

⁶⁷ Amulange Nowa nakali kubuka mu mamanino, mu i—mu i mazuba a inyika ya zambangulwe, musinsimi kasinsima. Ino cakali cinzi? Lubeta lwa kauma mpoonya awo kumane.

⁶⁸ Musa wakaunka mu Egepita, musinsimi waka simpikizigwa ku zitondezyo zya musinsimi. Neinzi caka citika? Lubeta lwakauma Egepita ncobeni kwiinde ciindi.

⁶⁹ Eliya wa kaboola a cilao, musinsimi, a kusinsima kuli Ahabu a cisi eco. Ncinzi cakacitika? Lubeta lwakauma cobeni kwiinde ciindi. Mbubo.

⁷⁰ Johane Mubapatizi wakaboola, mbuli citondezyo. Wa kali musinsimi. Wa kali citondezyo ca musinsimi cakaboola aa nyika. Ba kalizi, cindi nakaboola, Mesiya wakali kweelede kukanana, kwamana nguwe. Ca keelede kuba, nkambo, kubweza i—kubweza basale.

⁷¹ Cintu eci ncakujana bantu basale abo bazwa, mbuli mu mazuba akwa Nowa. Mbuli mu mazuba akwa—akwa kwa Eliya, bali zyuulu zili ciloba na myaanda ili ciloba, na kufumbwa mbowa kabede, abo bata kafugama mazwi abo, kubaita kuzwa. Johane kaita basale, a ku batuula kuli Kristo cindi Na kaboola, kasintanya mbungano yakwe, kati, “Nde elede kufwiinsigwa, We elede kusumpulwa, nkaambo,” wa kati, “Ndili buyo jwi Lyakwe, lyoompolola mu nkanda, ‘kubamba nzila ya Mwami.’” Elyo Jesu wakaboola nzila njiyonya. Bamba basale kulibambilila kumvwa jwi lya Leza, mbo cibede citondezyo ca cibusinsimi. Oh, ikuti na mwatobela Milumbe eyi, amu bweze... bamba basale kulibambilila. Kutali bamwi, taba ka cimvwi. Mbasale abo bakaitwa.

⁷² Nkookuli oyo Angelo nkwa kasika, mu Sodoma, oyo wa kacita citondezyo eco? Kuli Abrahamu a nkamu yakwe. “Amutantamuke ku Sodoma; iyo pya!” Mwabona? Jesu waka cisyomezya kuloolola, nywebo mulizi, alubo, kuli Sodoma oyu. Lino mubone.

⁷³ Ino cicita nzi? Cibamba basale kulibambilila ku cimvule ca Leza, mbuli mu ciindi ca Nowa, zimwi zimbi.

⁷⁴ Elyo ino cicita nzi? Cipa mulandu kuli sikutasyoma wa busongo, ku lubeta. Caka cita lyoonse. Ku futatila luse, kunyina cisyeede pele lubeta. Aboobo cibamba i—i sikutasyoma wa busongo a ku lubeta. Nkaambo, neinzi nco bacita? Ba cipa mulandu.

⁷⁵ Ako nkekaambo ba Juda nci bakalya nyama yabo beni. Ako nkekaambo bulowa ncibwa kakunka kuzwa mu muunzi

cindi Titus, mulinguzi mupati wampi yaba Roma, nakatanta kunjila omuya, nku kaambo kakuti bakakaka Muuya Uusalala. Lubeta lwakaboola nkambo ba ka Usa mpaula. Jesu waka baambila, cindi nibaka Mwi ita kuti Beezebule, kuti Wa kati, "Nda mulekelela," mulungo tiwa kaninga tuulwa, "pele," kati, "cindi Muuya Uusalala wakuboola kucita cintu nciconya, Kuu sampaula taku kalekelelwi." Elyo nzyalani eyo tiya kalekelelwa pe. Mbo mbubo.

⁷⁶ Lubeta kuli sikutasyoma! Cila bikkwa awo antangalala ku bukanze, kupa mumuni ku musyomi, a mudima kuli sikutasyoma. M bubonya buyo mbuli Musumpululu wa Mulilo mbo wakabede; Wa kapanga mumuni, kulanduka ku nyika ya cisyomezyo, a mudima kuli baabo batakali kusyoma. Zitondezyo zya Leza lyoonse zila cita obo, kuzima meso aa sikutasyoma, a kupa kukubona a mumuni wakweenzya ku musyomi. Ncencico nco Wa ka tuminwa.

⁷⁷ Ikuti na cisinsime cakwe ncabwini, ikuti na cisinsime ca musinsimi ncabwini a kuboola kicitika, mpawo nkucenjezya kwa Leza. Lino mu Myeelwe 12:6, tujana cintu nciconya, Lugwalo.

⁷⁸ I Bbaibbele lya kalembwa a bantu aba. Lino ikuti na twa bala muli Petro Wabili 1:21, Ly a kati, "Bantu bakale, bakeenda a Muuya Uusalala, bakalemba Bbaibbele."

⁷⁹ Amwalo muba Hebrayo 1:1, awo mpo twa kakanana busiku bumwi, "Leza, mu ziindi zimwi amu ziyanza zyandeene baka kanana ku matata kwiinda ku basinsimi, aya mazuba aakumamanino nkwiinda muli Jesu Kristo, Mwana Wakwe."

⁸⁰ I Musumpululu wa Mulilo, citondezyo; jwi...na i—i jwi lyakali kuyo kanana. I Musumpululu wa Mulilo mu citeo, lyakali jwi lyakazibwa kabotu kuti Leza wakali kulibambilka kukanana.

⁸¹ Amulangisye kabotu lino, muta iimpyi eci. Cindi Miriamu nakaseka munyina wakwe, Musa, elyo waa kali musinsimi mwanakazi cindi naka museka, elyo Leza wakaselukila mu Musumpululu wa Mulilo oyo, Musa wakalizi kuti Leza wakali kulibambilka ku kanana. Ca kali citondezyo. Elyo jwi lya ka citobela, kati, "Sena toyoowi Leza?" Kati, "Taakwe muntu naba omwe mu nyika mbuli mulanda Wangu, Musa."

⁸² Kacita mbubonya cindi nibaka kabuka akuti kuli... Cindi Datani nakabuka, a cindi Kola, basiku mukazya, "Kuli baalumi banji basalala kwiinda nduwe. Uyeeya kuti nduwe olikke mu nkamu." Leza wakakanzilide Musa ku mulimo oyo!

⁸³ Elyo cindi nibakali kuyanda kujana nkamu imbi kuunka abalo, kulipanga kabunga, Wa kati, "Lyaandaanye lwako kuzwa kuli mbabo. Ndiyo bapa buyo mulandu. Ndiyo banyonyoona buyo," elyo Wa kacita. Inyika yaka babweza.

⁸⁴ Lino tu jana kuti eyo nje nzila ya Leza lyoonse. I Musumpululu wa Mulilo uzibya kuti Jwi lilaafwi ku kanana. Oh, Texas, Mbobuti mbonga ofwaala? Uci yeeya Houston. Lino kuli Jwi litobela citondezyo.

⁸⁵ Musa, citondezyo ca musinsimi ku Israyeli, kasyomezya kuti Ijwi lilibambilide kusimpikizigwa.

⁸⁶ Obo Ijwi lya Leza mbolilondokede, mu maccililanwa, ciindi acimwi! Mbubonya akwalo mbuli Urimu Tammumi, mbuli Mbwe kakanana, busiku bumwi. I Urimu Tammumi wakaliko, elyo citakuti citondezyo eco casika ali Urimu Tammumi, jwi tiilya katambulwa. Kweelede kuba citondezyo. I citondezyo cisimpikizya jwi. Alimwi jwi lisimpikizya citondezyo, kuti cizwa kuli Leza. I jwi lya citondezyo ndo lyaamba kuti “iiyi” na “peepe.” Ikuti na Leza wa cikaka, mpawo Jwi lilaamba “peepe.” Ikuti na citondezyo caliko, Leza wakateeti “iiyi.” Bubambe bwa Leza tabuna cinca. Inga twa kkala kwa maoora ali ceeco, pele tacina cinca.

⁸⁷ Amulange, Jona musinsimi, amulange citondezyo eco. Wa kali mu lweendo lwakwe kuyaku Tashishi. Katalika kuunka ku Niniva, a kutola ii-ii lweendo lwaku Tashishi. Banji baka sampaula Jona. Jona taelede kusampaulwa. Wa kali musinsimi. “I ndyato zya mululami zilailwa aa Mwami,” nkabela wa katalika lweendo lwakwe kuyaku Tashishi. Elyo tusoleka ku sampaula mwaalumi, pele Jesu taka cita.

⁸⁸ Amulangisye, Wa kati, “Mbuli Jona mbwakali mwida lya nswi, mazuba otatwe a masiku,” cakeelede kuba citondezyo, “mbubonya Mwana wa muntu mbwa elede kuba mu moyo wa nyika, mazuba otatwe a masiku. Elyo nzyalani imbyaabii aisoeweede iyandaula citondezyo, nkabela takukabi citondezyo ciyo pegwa kuli mbabo kuzwa kuli Leza, amuyeyeye, pele citondezyo ca Jonasi.” Ino ncitondezyo nzi ca Jona? I bubuke. Elyo eyi ni nzyalani ya Sodoma, isofweede, kusofwaala kwa kumuuya, ku-...kucita bwaamu bwa kumuuya ku kulwana Bwini bwa Leza, ku Bu sampaula. “Ii nzyalani imbyaabii aisoeweede iyo yandaula citondezyo, nkabela bayo cijana, ciyooba citondezyo ca bubuke.” Amulange, Jona...

⁸⁹ Balo bantu bakali bahedeni, elyo wakali mupati... Wa kali muunzi wampindu. Incito mpatti yakali ya inswi. Ba katumina inswi ku cisi coonse. I baalumi bakali bazeli ba inswi. Eyo njiyakali ncito. Alimwi ba kali bahedeni, ba kali kukomba zinyama a mituni, nkabela bakaba babyaabii loko.

⁹⁰ Mbuli cisi eci lino, cizwide nkewela a Hollywood, a misyobo yoonse, amwalo mu mambungano. Elyo amubone citola busena. Baa, ziindizimwi nokuba twaambo twa kukwelelezya kwankwela mu mbungano twiitwa kuti nzyabusyasunu. Mbobuti cisi eci mbo cikonzya kwiimina a cintu mbuli ceeco?

Kuliita Iwanu kuti Mbanakristo, a kucita zintu mbuli zeezyo, mbobuti mbo cikonzya kwiiama?

⁹¹ Mbuli mweenzuma mubotu, Jack Moore, mbwa kaamba, myaka yakainda, "Ikuti na Leza walekela cisi eci kuta subulwa kuli cecici, Uyo sinikizigwa, mbuli Leza ululeme, kubusya Sodoma a Gomora, a kuli lekelela kuli mbabo nkaambo ka kwiiumpa."

⁹² Muya ku lubeta. Kunyina nzila imbi yaku cizumina. Amu cilembe mu Mabbabbele aanu. Ndiya kuba muntu mudaala. Amubone ikuti na ta cikainki ku lubeta. Ikuti na Nda pona buumi buli kabotu, Njo cibona, ciindi cili kabotu. Myaka imbi misyoonto iyo cinyona.

⁹³ Jona. Ba kali kukuzela boonse, kutandila ciindi casikati, elyo mpaawo kwakaboola kaleza ka lwizi, atala, nswi, kazuzila atala ly a nkomwe akuyo luka musinsimi aa nkomwe. Ino ncitondezyo!

⁹⁴ Leza waka tola musinsimi Wakwe, kajisi mulumbe. Lino baka bona citondezyo, ba syoma citondezyo, lino ino mulumbe nzi? "Amweempwe!" Nde jwi lya citondezyo. I jwi lya citondezyo ndya kuti, "Amweempwe, na pe mu mazuba ali makumi one muyo nyonyoonwa." Ba kalizi kunji zya kweempwa.

⁹⁵ Jesu wakati, "Bayo ipa mulandu nzyalani eyi, nkaambo ba keempwa ku kukambauka kwa Jonasi; mupati kwiinda Jonasi mpali ano."

⁹⁶ I jwi lyakati, "Amweempwe, na pe mu mazuba ali makumi one muyo nyonyooka."

⁹⁷ Johane musinsimi, kalibonya, citondezyo calibonya ca musinsimi, nikwakamana myaka ili myaanda yone kakunyina musinsimi. Ba kali jisi basibupampu boonse. Ndi yeyela buyo olo lupyopyongano ndo ba kajisi! Myaka ili myaanda yone, kunyina musinsimi, pele ciindi cakaswena eco Mesiya ncakali kweelede kuboola. Lino, Johane wakali citondezyo, mukuba musinsimi, kuti Mesiya wakali libambilide ku kanana, jwi lya citondezyo; nkaambo, muli Malaki 3, tu jana kuti, "Njo tuma mutumwa Wangu kumbele lya busyu Bwangu." Eliasi wakeelede kuboola kumbele lya busyu Bwakwe, nkabela Eliasi wakaboola. Johane, mu muuya a nguzu zya Eliasi, wakaboola a kucita mbubonya Magwalo mbwa kaamba, nkabela tiiba kacimvwisya. Lugwalo mbo lwaamba obo. Wa kali citondezyo, citondezyo ca musinsimi, kuti Mesiya wakali kuyo kanana.

⁹⁸ Oyo musinsimi, mukuciziba kabotu loko, kusikila wa kat, "Baa, kuli Umwi wiimvvi akati kanu, ndyoonya lino. Oyo Mesiya Ngwe kanana, ula kat i kanu. Nse eleli kwaangununa mabbusu Aakwe. Walo Ngo nguwe uyo bapatizya a Muuya Uusalala a Mulilo. Ndi bbizya a meenda, ku kweempwa, pele Uyo tobela ndime. Ula kat i kanu lino."

⁹⁹ Buzuba bumwi wa kabona Muntu mukubusyi kaboola, kaya kweenda kunselelo. Wa kabona oyo Musumpululu wa Mulilo, mu ciimo ca Nziba, kuuseluka kuzwa ku Julu; Jwi, kaliti, “Oyu ngo Mwana Wangu uyandwa, muli Nguwe Mwe botelwa kukkalamo.” Kwaamba, “Oyo Mwe botelwa kukkala,” ndibbala buyo lipandulula kakutanaba lilemya, aboobo ncintu nciconya. “Muli Nguwe Mwe botelwa kukkala,” na, “muli Oyo Mwe botelwa kukkala,” takubambi lwaandaano. Amubone, “Mwe botelwa kukkala muli Nguwe.”

¹⁰⁰ Johane wakati, “Nda pa bulunguluzi kuti Oyo waka ndaambila mu nkanda,” kutali ku seminari, “mu nkanda, kati, ‘Atala lya Oyo uyobona Muuya kauseluka, aku kkalilila,’ ameni, ‘Ngo Nguwe uyo bapatizya a Muuya Uusalala a Mulilo.’ Elyo Nda pa bulunguluzi kuti Mbwini.”

¹⁰¹ Ino cakali cinzi? Oyo musinsimi cakali citondezyo cakuti Mesiya wakali libambilide kukanana.

¹⁰² Ino Mesiya wakali nzi? I Mesiya wakali Ijwi, mu buzule. Wa kali buzule bwa Leza. I basinsimi bakali Mumuni muniini umwetulamwetula. Pele muli Nguwe mwakali Mumuni oyo oonse, wakali muli Mesiya oyu, nkambo Wa kali Leza wakayubululwa, kabambwa Emanuele, Leza akati kesu mu mubili wabuntunsi.

¹⁰³ Mesiya wakali libambilide kukanana. Elyo amubone, Bbaibbele lyaamba, kuti, “I Ijwi lya Mwami liboola ku musinsimi.”

¹⁰⁴ Lino mpaawa kwakaimvvi Johane, oyo Jesu ngwakati wakali “musinsimi mupati maningi wakasola ku pona.” Jesu mbwa kaamba obo, Matayo cipati 11, “Ncinzi ncomwa kainkila kuyo bona kubona, muntu uzungaanisigwa ku muuwo, aka kabungwe kaamba kuti, ‘Njo kupa kunji; kocita eci?’ Kutali Johane! Peepe, peepe. Ii muntu oyo ukonzya kutontaikwa, kweenenwa? Peepe, wakali musinsimi, mbwakabede ugalkene. Sena mwa kainkila kuyo kubona muntu usamide cikobela cabupaizi koonse?” Elyo Wa kati, “Peepe, ba kkala mu maanda aa bami. Ba kwatanya baniini, kumyonta bavwanda, akuzikka bacembeede. Oyo ngo musyobo. Taakwe nco bazi kujatikizya Ceba lijatwa aa maanza obilo. Aboobo ncinti ncomwa kainkila kuyo bona, musinsimi?” Wa kati, “Kwiinda musinsimi!” Mubwini, wa kali mutumwa iwa Cizuminano, wakasyomezegwa aa Leza ku mutuma.

¹⁰⁵ Elyo amubone awa, Johane kaimvvi mu meenda, kabapatizya, kaamba, “Ula boola.”

¹⁰⁶ Elyo ndeeli Ijwi, li tacili ku Julu, pele lyaba mu mubili wabantu. I Ijwi lyaba mubili, ino cicitikila nzi mpawo? Ino matobelanwa nzi aa Lugwalo lwa Leza? I Ijwi lya kasika ku musinsimi, moonya mu nkanda, moonya mu ciziba. I Ijwi lyakasika ku musinsimi.

¹⁰⁷ Johane wakalungumana, elyo wakati, “Nde elede kubapatizigwa kuli Nduwe.”

¹⁰⁸ Elyo mukwesu wangu, uyandwa mudaala, Mwiyi Davis, mbungano ya Missionari Baptisti, oyo waka ndibapatizya mu lusyomo lwa Bunakristo, ikuti na nkwalilokuno sunumasiku, Nsyambiki kumucisya kulimvwa kwakwe. Nkaambo, ukkala kokuno mu Texas, uli kokuno kuzwa ku Malundu aku Davis. Pele Ndila yeeya swebo katu kazyanya ali ceeeo buzuba bumwi, elyo Nda kacili mulombe buyo. Elyo Nda kati, “Ta cilimvwisyi kabotu, Mwiyi Davis.”

¹⁰⁹ Wa kati, “Ncinzi cakacitika, kuti mpawo Jesu wa kabapatizya Johane, elyo mpawo Johane kabapatizya Jesu, nkaambo Johane takalina bapatizigwa.” Tii cakalibonya kabotu kuli ndime.

¹¹⁰ Nda kazumanana kulindila, kulangilila, kulibuzya. Nse kakonzya kwaamba nociba cintu kujatikizya nkuko, pele buzuba bumwi Mwami naka ciyubununa.

¹¹¹ Lino amulangilile eco Jesu nca kaamba. Johane kati, “Ndiya ndikana kubapatizigwa kuli Nduwe, mpawo nkaambonzi Nco boola kuli ndime?”

¹¹² Jesu wakati, “Cileke cibe booboo, nkambo cili booboo cileelela kuli ndiswe kuzulizya bululami boonse.”

¹¹³ Johane wakalizi Oyo Mbwa kabede. Mbaabo basololi bobilo ba inyika, basololi bobilo ba mbungano, Leza a musinsimi Wakwe, kabaimvwi antoomwe. Lino, amulangilile, beelede ku ziba.

¹¹⁴ Jesu wakati, “Cileke cibe booboo, cili kabotu, pele cili booboo cileelela kuli ndiswe kuzulizya bululami boonse, Ijwi lyakasyomezegwa.”

¹¹⁵ I Cituuzyo cakeelede kusanzigwa kacitana tuulwa. Johane waka bapatizya Jesu nkambo Wa kali Cituuzyo. Mwabona? I Cituuzyo cakeelede kusanzigwa kacitana tuulwa. Keenda nkoonya oko, nkabela Cituuzyo ca kasanzigwa, elyo mpawo Ula tuulwa kabotu. Wa kati, “Oyo ngu Kabelele wa Leza.”

¹¹⁶ Wa kaunka nkoonya kutala lya nkowwe, nkabela mpaawa kwakaboola Muuya wa Leza kauseluka ali Nguwe, kati, “Oyu ngo Mwana Wangu uyandwa.” Mwabona, Wa katuulwa mpawo ku buleya. Pele Cituuzyo kacitana konzya kutuulwa, cakacitwa kusanzigwa lutaanzi; oyo ngo mulao wa Cizuminano Cakale. Yaa.

¹¹⁷ Mesiya wakali aafwi ku kanana, nkaambo nceeci cakali citondezyo ca musinsimi. Elyo cindi niba kabona musinsimi oyo kusika aa cilao, nikwa kamana myaka eyo yoonse ili myaanda yone kakutakwe a omwe, ba kalizi, jwi litobelwa wakali Mesiya.

¹¹⁸ Lino nywebo nobabali ba Bbaibbele amuyeeeyesye canguzu kwa maminiti masyoonto. Kulangilila bulenge bwakwe, mbobuti

mboba kamwiimpya? Mbobuti mboba kaimpya kuziba kuti wakali nguwe, Johane? Bulenge bwakwe bwakalizibya, muuya wakwe a bulenge bwakwe bwakalizibya kuba Eliya. Lino amubone bube bwa muuya. Lino, wa kali Johane Mubapatizi, pele muuya wa Elias wakali ali nguwe.

¹¹⁹ Amubone, lutaanzi, Eliya wa kali muntu wakali kuyandisywa nkanda. Mwabona? Elyo Johane wakali muntu mu nkanda.

¹²⁰ Elyo Eliya wakali muntu oyo waka tapatila ciyanza eco catubunga, mu buzuba obo, akoonse nkwa kajisi. Mbubonya Johane mbwakacita, “Nywebo no nzyalani ya nzoka. Nguni wamunaanizya kutija ku bukali? Muta taliki kuti, ‘Ndi jisi eci, eco, na cimbi.’ Leza ulakonzya ku mabwe aya kubusya bana kuli Abrahamu.” Sena mwabona bulengwe bobilo?

¹²¹ Elyo amulange Eliya, waka tapatila ba Jezebele boonse bakananide misila ku masyu iba buzuba bwakwe, balo banakazi basibwaamu. Waka citanzi Johane? I cintu nciconya, kuli muka Heroda. Bobilo babo, ncica kaletela lufu lwabo.

¹²² Amulange Eliya, nakamana ku cita mulimo oyo mupati, nekunga wakalulauka, kalala okuya a kukomba kuli Leza kuti amutole. Johane waka cita mbubonya, akwalo kulala okuya aku tumizya basikwiyia bakwe, kati, “Kamuya muka Mu buzye. Sena Ngo Nguwe na katucilangila umbi?” Jesu wakalizi obo.

¹²³ Wa kali Eliya. Obo bwa keelede kuba bulengwe bwakwe. Wa kazibwa ncobeni mbuli Eliya mbwa kabede. Wa kali mu muuya wa Eliya.

¹²⁴ Weelede kuboola ziindi zyosanwe, oyo muuya mboubede, ku ubelesegwa: Eliya, Elisha, Johane, Malaki 4, elyo mpawo kuba Juda. I mazuba aakumamanino, motubede sunumasiku, muuya wa Eliya. Amubone lino.

¹²⁵ Sunu, Ndi yanda kuti mulange ku basinsimi besu bana Ahabu sunu, kulekela ba Jezebele babo kugela masusu abo, kumpenta masyu abo, kusama zigonkolole, kufweba misanga yatombwe, kufumbwacintu, “Cili kabotu.” Basinsimi besu—besu bana Ahabu basunu, kuunkaaku zikolo zyabo, masimpe, kubasololela koonse a tuyanza twabuzumini a tubungwe twakapangwa aabantu. Ino ncinzi? Basinsimi bana Ahabu.

¹²⁶ Tuya ndikana Mikaya umbi kubuka aa cilao. Na mu ciindi ca Ahabu, Eliya wakaboola aa cilao. Ngu yooyo, wakasyomezegwa.

¹²⁷ Kubasololela koonse, kufumbwa nzila njo bayanda kuunka. Ikuti na taba citi, bala bapenzya awa kubusena bumwi, bayo unka kokuya akusangana *eyi* nkabela kaba cijisi kulibanda kwabo—kwabo kulyaamba kwa Bunakristo.

¹²⁸ Ee, tiiba kafutulwa, ku matalikilo. Bulengwe bwabomububonya bula citondezya. Sena inga wacela magirepu kuzwa ku cisamu ca maamvwa? Sena inga wacela banamunywa kuzwa ku cisiko ca mapusi? I bulengwe mububonya bula tondezya kuti

taakwe ncoba yanda cakucita a Ijwi. Bala Li fubaazya, a ku Li sanka. Kakuli kuli lembedwe kuti, “MBUBOOBU MBWAAMBA I MWAMI, ezi zintu zyelede kuyo citika,” elyo bala Li seka, ku Li fubaazya.

¹²⁹ Ta cigambyi Jesu ncakati, “I namalelo waku Musanza uyo buka antoomwe a nzyalani eyi, mu mazuba aakumamanino, a kwiipa mulandu; nkambo waa kazwa ku mabazu a nyika akulaale, kuzobona muntu wakajisi cipego ca busongo.” Wa kati, “Ii mupati kwiinda Solomoni mpali ano.” Masimpe. Solomoni mbwakabede, buzuba bwakwe, bwakali bumwi bwa mazuba mapati. I bantu boonse baka syoma eci cipego Leza nca kabapa, oyu Solomoni, elyo mpuwo yakwe—yakwe yakamwaika ku masena oonse. Ino kuti swebo tobantu ba buzuba obuno . . .

¹³⁰ Elyo swebo tobana America, lyoonse tusola kujana bubambe bumwi bulwana kkomunizimu. *Ngaaya* mabambe aa Leza, “Amweempwe! Amucebukile kuli Leza!” Bubambe bumwi? Ikuti ni bacita Boobo buyo, inga twaluba kkomunizimu.

¹³¹ Cindi ba Israyeli boonse niba kasyoma cipego eco Leza nca kabapa. Ikuti America niyapa buyo i . . . yasyoma cipego eco Leza nca tupa, mazuba aya aakumamanino, Mwana Wakwe, mu ciimo ca Muuya Uusalala, kabuka kuzwa ku bafu, kapona akati kesu kwendelana a cisyomezyo Cakwe. Ikuti ni twa cibotelwa biyo Eco!

¹³² Ciyo unka biyo ku Basale. “Nkambo taakwe muntu ukonzya kuboola kuli Ndime cita kuti Taata Wangu wamu kwela. Elyo boonse abo Taata mbaka Ndipa, bayo boola.” Kubyala buyo mbuto; zilawa, zimwi munzila *eyi* a zimwi munzila *eyo*, pele kuli kubyala kwa mbuto, kufumbwa. Iyo jata miyanda yayo kufumbwa mpoibede. Bayo cijata.

¹³³ Amubone, mbaabo mpoba kabede, elyo tujana kuti mu buzuba obo, Ahabu, cisi caka njizya ba Israyeli mu kucita musyobo uli oonse wa zintu ngo bakali kuyanda, nkabela kaba cilibanda kuba Israyeli.

¹³⁴ Obo Eliya mbwa katapatila nzyalani *eyo*, a koonse oko kwakali muli nguwe, a Leza kamusimpikizya. Elyo wakali musinsimi.

¹³⁵ Kakutanaba buyo kuboola, wakacita mbubonya Johane! Keenda nkoonya ku Israyeli . . . Kakwete mwanakazi oyu kuli—kuli Hero—. . . kuli Heroda, mukaintu wamunyina Filipo. Wa keenda moonya mu busyu bwakwe; kunyina nakafusa mfaindi. Taka yoowede mwaalu umwi kuti naka mutanda. Takwe nakabweza kkaadi lya kubungana; wakali a Leza luzutu. Wa kali musinsimi Wakwe. I Ijwi lyakali a nguwe. Ta keelede kuunka kuli bishopo uli onse na bamadaikona. Wa kali nanikidwe. Wa kajisi Ijwi. Wa keenda moonya mu busyu bwakwe, a kwaamba, “Ta ciluleme kuli nduwe kumukwata!” Mbubo. Kunyina nakafusa mfaindi, ku muntu uli onse.

Balo banakazi babyaabi kabacita mamambi, kuyabuya!

¹³⁶ Mbuli Amosi, cindi nakaboola aa cilao, kalanga koonse okuya. Ta tuzi akwalo oko nkwa kazwida. Ma, obo mbo kweelede kuti wakalanga ku muunzi oyo wa Samariya! Mbuli basikweendaukila misaalo mbo bacita, bubotu boonse, a bakambausi boonse mu lumvwano a i—i zisi, a mu nkamu antoomwe a zisi a bantubonse, nkabela kaba ciponena mu cibi! Meso aakwe akanongomana, a lubala lwakwe lwakabalama, elyo obu mbwa kaselemuka. Ta ka... takali weebeka loko, pele wa kajisi MBUBOOBU MBWAAMBA I MWAMI.

¹³⁷ Tuya ndikana Amosi aa cilao sunu. Sena inga twa mutambula? Peepe nconzyo, buyo nkwaka cita. Inga waboola aa cilao, inga wamwayaula tubunga toonse, tubungwe toonse, banakazi boonse basama zigonkolole, ba Jezebele boonse bagela masusu. Inga wazi zapaula mu tubeelabeela. Inga bamutanda kuzwa mu kagwagwa, a kwaamba, “Oyo sikwiindilizya mudaala!” Pele naka jisi MBUBOOBU MBWAAMBA I MWAMI, nkambo mbo kuleembedwe munzila eyo. I kabungwe ku mutambula? Peepe.

¹³⁸ Ta kajisi muntu wakugwasilizya mabambe aakwe. Sena oyu muunzi mupati, mubotu wa—wa cisusi, mbuli Samariya mbowa kabede, inga bamutambula mulombwana oyu muubauba utazizilwe kata jisi kkaadi lya kuswaangana, taakwe muntu waku mugwasilizya, na kufumbwacintu? Taka jisi kugwasiliziga kuli koonse. Ta kajisi kkaadi lili lyoonse lya kubungana, taakwe cikolo nkwa kazwida. Pele wa kajisi MBUBOOBU MBWAAMBA I MWAMI. Elyo kuboola kwakwe, mbuli musinsimi, cakali citondezyo. Jwi lyakwe lyaka zwida kuli Leza, nkabela lya kazibwa mu mazuba akwa Jeroboamu Wabili. Zintuzyonse nzya kaamba zya kaboola kucitika.

¹³⁹ Lino tula jana kuti, buzuba obuno mbotu ponamo, nkuloolola buyo kwa ceeco. Bakutausi a bantu, bausa nsoni kwima ku cikambaukilo, nkabela i—i Makanimabotu aba nzila yakujanina cakulya kuli mbabo. Bala yoowa kwaamba cintu cili coonse, muntu umwi uyo batanda kuzwa kuli *eci, eco, na cimbi*.

¹⁴⁰ Kuli biyo Muntu omwe ukonzya kumutanda Julu, oyo ngu Leza. Elyo mbobuti mboyo tandwa Julu, kukkala a Ijwi Lyakwe? Ncencico Nca kamu tumina.

¹⁴¹ Amuyeeye, Bbaibbele lyakati, mu ciindi cili boobo mbuli mbo kwakabede mu mazuba akwa Eliya, mu buzuba obo mbuli mbo kwakabede mu mazuba akwa Johane, kuti Malaki 4 uyo jokela ku nyika ciindi cimbi. “Ndiyo tuma Eliya.”

¹⁴² Lino muta nyongani lino a Malaki 3, “Nda tuma mutumwa Wangu kumbele lya busyu Bwangu.” Oyo wakali Elias, awalo.

¹⁴³ Pele muli Malaki 4, Wa kati, “Kakutanaba buyo kuboola Buzuba upati a buyoosya bwa Mwami, cindi nyika yoonse

noiyoopya mbuli ceengelo, elyo baluleme bayo enda atala lyatwe lya babi,” oyo ngu Mileniamu, “Ndiyo tuma Eliya musinsimi.” Elyo uyo cita nzi? “Uyo boozeyza lusyomo lwa bana kujokela kuli bamatata ba buapostolo,” kujokela ku Ijwi. Uyo elela kuba musinsimi. “Ndiyo mutuma.” Uyo zibwa cakumaninina. Bulengwe bwakwe bunokozyanya mbuli bwa Eliya mbo bwakabede, mbubonya. Mulumbe wakwe unooli a ambaakan iini. Uyo tapatila, kumwayaula. Taakwe kubungana, taakwe kubeleka amwi, taakwe cintu, pele unojisi MBUBOOBU MBWA AMBA I MWAMI.

¹⁴⁴ Lino, amuyeeye, kwakali misyobo yoonse ya nkamu yakaima a kwaamba, “Eci ncikobela ca Eliya, alimwi *eyi* ni njisyo ya Eliya.” I nkamu yoonse, kabunga, kasanduka kuba nkamu ya Eliya, na cikobela ca Eliya. Olo taluli Lugwalo. Leza taakwe nakabeleka a nkamu mbuli yeeyo.

¹⁴⁵ Cindi Eliya nakaboola aa cilao, a Johane Mubapatizi, bobilo babo baka tapatila tukamu a kabunga. Tii baka cita. Ula ba tapatila, nzila mbo bakacita; Eliya a Johane, bobilo. Kutali nkamu nanka kabungwe. Pele bobilo, mu ziindi zyobilo zyabo, baka tapatila tukamu a tubunga.

¹⁴⁶ Ninzi mpawo? I citondezyo ca ciindi camamanino ciyooba antoomwe ncobeni a Jwi lya ciindi camamanino. Eliya weelede kuboola a cilao, muntu unanikidwe a muuya oyo; sigani, azimwi zimbi, a muyandi wa ceeco, a kuboola a cilao ku kusimpikizya. Lino amulangilile eco Lugwalo nco lwaamba lino, elyo mpawo tamu kacengwi, mwabona, citondezyo ca ciindi camamanino a Jwi lya ciindi camamanino.

¹⁴⁷ Leza taakwe nakabeleka a nkamu, kwiina abusena mu Lugwalo. Ubeleka a mugame, nkaambo muntu oonse ulandeene kuli umwi. Muntu oonse, zinwe zyesu ziliindene, mpemo zyesu ziliindene, micito yesu iliindene. Ubweza muntu omwe, Ula konzya ku mubikka mu lumvwano cakulondoka mane inga waba Ijwi eelyo.

¹⁴⁸ Ako nke kaambo Paulo, wa kati, “Kutegwa Ntali sumpuli atala kwiindilila kwa Ciybunuzyo, kwa kapegwa kuli ndime mutumwa wa Saatani.” Mwabona? Matayo wakalemba, Luka wakalemba, Marko wakalemba, boonse babo, pele, ba katobela buyo Jesu a kulemba eco Nca kaamba. Pele Paulo waka jisi ciybunuzyo ca Obo Mbwa kabede, mwabona, nce cintu nca—nca kabona. Ciybunuzyo cakwe cakali cipati loko, Wa kamulekela kulemba Bbaibbele, mbuli Musa wa Cizuminano Cakale. Oyo muntu mulemu, Paulo, eco ciybunuzyo nca kajisi, wa kalizi kuti Jesu wa Cizuminano Cipywa wakali Jehova wa Cakale. Wa kajisi ciybunuzyo ca Ncico, alimwi wakali kukonzya kucibikka kuba Hebrayo, ku i...alimwi akwalo ku—ku ba Roma, aku ba Efeso, a—a boonse. Wa—wa kalemba

magwalo aya. Amubone, citondezyo Cakwe nicakamana kuyutuka, mpawo wa kalemba magwalo.

¹⁴⁹ Obu bulengwe bwa kuboola buyooba mbubonya. Tai kabi nkamu. Uyo oba muntu omwe. Leza tabeleki munzila imbi pele mugame omwe. Lino, Eliya takali nkamu, Johane Mubapatizi takali nkamu, bakali mugame omwe. Leza, Malaki 4, taambi kuti, "Ndiyo tuma nkamu." Kati, "Ndiyo tuma Eliya!" I Ijwi talikonzyi kucincwa.

¹⁵⁰ Lino, amulangilile, citondezyo ca ciindi camamanino a Jwi ziyoboola mu matobelanwa aa Lugwalo mbuli mbo kwakasyomezegwa.

¹⁵¹ Tu yanda ku ziba kuti ino ciyooba ncitondezyo nzi camamanino? Jesu waka twaambila, muli Matayo 24 a 25. Katwaambila, amwalo, mu Ciybunuzyo, lweendo loonse kuzwa ku 6...na ka 1, kuzwetukila okuya ku i, ee, cipati ca 10. Mpawo ula boola mu cipati ca 19, Mileniamu yatalika ku kuboola Kwakwe, katantide aa mbizi iituba.

¹⁵² Ciyo sika, citondezyo ca ciindi camamanino. Lino amuswiilile, mu kujala. Ciyo sika buyo mbubonya munzila Lugwalo mbo lwaamba. Lino amubone Jwi ly a citondezyo.

¹⁵³ Lino, Jesu, muli Luka 17:30, kasyomezya citondezyo ca ciindi camamanino. I citondezyo camamanino, wakali Leza kayubululwa mu mubili wabuntensi oyo wakali kukonzya kutweluka miyeyeo yakali mu muzeego wa Sara, mu tente kusule lyakwe. Nce ncico Nca kaamba. Nce citondezyo Nca kasyomezya ku mamanino. Ju-...Ncinzi Nca kaamba kuti ciyo cita? "Ciyo zibwa mu mazuba, mazuba aakumamanino, cindi Mwana wa muntu akyu yubununwa." Aku yubununwa! Cindi Mwana wa muntu ano yubununwa, nce citondezyo Mwayo yubunwidwa. Lino mwabona ikuti Olo talwaambi ceeco. Lulacita ncobeni.

¹⁵⁴ Lino sena mulakonzya kwaamba, kuti, "Peepe, ciyooba cintucimwi cimbi. Peepe, ciyo yakwa kuba buyake bupati, bupati *obu*, na *obu*, na kkanso imwi mpati ya mambungano aabunakristo, na imwi"? Oh, peepe. Peepe, ezyo ni nzila zilamfu zyakaleya. Oko nku lubazu lumbi. Cilwana ceeco Leza nca kaamba kucita, inga Uyo cita.

¹⁵⁵ Amubone eco neco twa amba lino. I Magwalo anooli mbubonya, nkaambo tu jisi citondezyo ca Sodoma, kunyama. Cindi nzi nokwakali kunji kwa baalumi kabakwatana muli cabu, busendami a zintu, mbuli mbo kubede lino, "nzyalani iiisofweede abubyaabi," cindi nota konzyi akwalo kuyasya cipekupeku cako citakuti kuli musyobo wa zintu zimwi, zya Hollywood yatombe imbi? Elyo bantu, balaliita lwabo beni kuti Mbanakristo, bayo kkala ku ng'anda kuyo ebela cili boobo kuleka kuunka ku muswaangano wa mipailo. Ci tondezya muuya uli muli nduwe mboubede. Mbubo. Elyo banakazi bayo sama mbuli baabo buya, a bamaalumi bayo balekela kubasololela mbuli mbo cita okuyo.

Sena tuyo bamba Hollywood kutubeda mukozyanyo wesu, na tuyo syoma Ijwi lya Leza kujatikizya ncico?

¹⁵⁶ Elyo nkamu eyo njionya ilakonzya kubona Ijwi lya Leza kalisimpikizigwa, elyo bacita nzi? Kuli seka. Nkaambo, bali fwide, kufwa Cabutamani. Taakwe nibakali baumi. Ikuti na kuli nibakali baumi, nibali baumi lyoonse, Butamani. Pele taakwe nibakali baumi. Ba kali fwide lyoonse. Oh, inga kaba londwedwe, aku syoma *eci, eco, na cimbi*.

¹⁵⁷ Jesu wakati, “Nywebo basikuupaupa,” kuli mbabo, ku bapaizi mu buzuba obo. “Mbobuti mbo mukonzya kwaamba zintu zibotu, kakuli kuzwa kunsi lya moyo mulomo ula kanana? Ku Ndiita kuba uli kabotu, ‘Rabi Mubotu, Simalela mubotu?’” Wa kalizi eco cakali mu moyo wabo. Wa kali kukonzya kutweluka eco cakali mu moyo wabo. Wa kali Ijwi.

¹⁵⁸ I Bbaibbele lyakati, “I Ijwi lya Leza lilabosya kwiinda cceba lya mabemba obilo, a kutweluka miyeeyo ili mu moyo.”

¹⁵⁹ Lino, eco citondezyo ca Sodoma cajokela, kunyama. Elyo ikuti na zintuzyonse zikkede mbubonya mumasena nzila mbwaelede kunyama, mpawo mbobuti mbo konzya ku cigwisya, kuzwa ku muzeezo wako, kuti na ca kumuuya tacili waano aciindi nciconya? Bubambe bobilo buli kkede aa cilao. Inzya, bantubonse bala zumina, cakunyama cili luleme; pele, oh, muli camuuya, taba yandi ku cisyoma, nkaambo Ci nyonganya njiisylo yabo.

¹⁶⁰ Luka 17 calo ncitondezyo. Luka 17 calo ncitondezyo eco Jesu nca kaamba, kuti, mu mazuba aakumamanino, zisi a mambungano a bantu bayooba buyo mbuli mbo kwakabede mu Sodoma, inyika ya Bamasi, kakutana buyo kutentwa kwa Sodoma. Elyo kuyooba nkamu, ilibonya, mbuli Abrahamu. Amujokele, cindi Jesu nakati, “mbuli mbo kwakabede mu mazuba aa Sodoma,” amujokele a kubona eco cakali mu Sodoma. Wa kabala Bbaibbele ndyooonya ndyo tubala, Bbaibbele ndilyonya, lino amujokele a kulanga mbokwa kabede.

¹⁶¹ Njeeyi nkamu yakali yabasalidwe, yakaitwa kuzwa, nkamu ya Abrahamu, ba kali kulangila mwana waka syomezegwa. Bana Sodoma taakwe nciba kasyoma kujatikizya nkuko. Elyo kwakali simbungano, ukasaala ku musanza imu Sodoma. Amulange abo Baangelo botatwe baka boola kuli umwi aumwi wabo, amulangilile na nzitondezyo nzi nziba katondezya, mpawo muyo bona kuti nzitondezyo nzi nzyo tuponamo.

¹⁶² Lino, eco ciyooba citondezyo. Nkabela jwi lya citondezyo liyooba Malaki 4, “kubooya bantu kujokela ku Lusyomo lwa buapostolo ilwa matata.” Nceeco citondezyo, ndeelyo Jwi, mbubonya kweendelana ku Lugwalo. Mwabona? I citondezyo ncitondezyo cakuti cakali ku Sodoma, Leza wayubululwa mu bantunsi.

Elyo Wa kati, “Uli kuli mukaintu wako, Sara?”

Kati, "Uli mu tente, kusule Lyako."

¹⁶³ Kati, "Ndiyo muswaya kweendelana a ciindi Nce kamusyomezya." Elyo Wa kati...

¹⁶⁴ Elyo Sara, kunze, kusule Lyakwe, kati, "Mbobuti mbo cikonzya kuba, ime nde mucembele, walo mudaala? Alimwi mbuli mulumi wangu okuya, mudaala," kati, "taakwe cintu mbuli ceeco kuli ndiswe." Kati, "Ta cikonzzi kuba."

¹⁶⁵ Wa kati, "Nkaambonzi Sara wacidonaika, kwaamba mu moyo wakwe, 'Mbobuti zintu ezi mbo zikonzya kuba?'"

¹⁶⁶ Elyo Jesu wakati eco ciyo jokela cindi cimbi. Lino, amuyeeye, Abrahamu wakaita Muntu oyo kuti, "Elohimu," Leza. Leza Mbwa keelede kuba. Nkaambonzi? Wa kali kukonzya kutweluka miyeeyo, alimwi Wa kali eeni aa ciindi. Elyo Elohimu, Muuya Uusalala, (kutali muntu umbi) Muntu nguwenya kajokela mu mbungano a kuyo cita cintu nciconya, kuti eco ciyooba citondezyo. Elyo Jwi lyakali kuyooba, "Kubaita kujokela ku Ijwi, kuboozya Lusyomo lwa bana ku matata." Nceeco citondezyo a Jwi.

¹⁶⁷ Zitondezyo kanji zila zuminwa, pele kutali Jwi. Ta balyandi Jwi, pele bayo bweza citondezyo. Kanjikanji, bayo cibweza. Bala botelwa citondezyo, nkambo bala botelwa kucilanga, kuba sangabalisy. Pele, Jwi, tabayandi ku-ku licita. Amuyeeye lino Jwi.

¹⁶⁸ Amu jokele ku Ijwi alubo. Citondezyo ca Jesu kuba Mesiya, kweendelana a Isaya 35, "I balema bayo sotauka mbuli insya," a koonse oku.

¹⁶⁹ "Eco cakali cibotuloko!" Oh, baka cizumina. Eco cakali kabotu. Ba kasyoma ceeco. Ba kasyoma citondezyo. "Koboola, Rabi, ku mbungano yangu, tuyu Kupa kubelekela antoomwe kuzwide. Masimpe, tula Ku syoma. Uli mubotuloko. Nduwe Rabi. Uli Musinsimi mukubusyi. Konjila! Yoonse misyobo yakubeleka antoomwe! I citondezyo ncibotuloko."

¹⁷⁰ Pele cindi Jwi nilya kakanana, a kwamba kuti, "Mebo a Taata Wangu tuli Omwe."

¹⁷¹ Oh, ma, tiiba kakonzya ku cisyoma Eco. "Uli bamba Leza Lwako." Tii ba kaliyanda Jwi. Ba kabotelwa citondezyo. Ba kalizi obo, ba kazumina kuti cakali citondezyo ca Mesiya, pele, Jwi, tii ba ka Li botelwa.

"I milimo eyo Nje cita muyo icita anywebo."

Elyo ba kati, "Ngu Beezebule."

Wa kati, "Nywebo no nzyalani ya nzoka."

¹⁷² Oh, ba kasulaika Jwi eelyo. Ino ba kacita nzi? Ba ka gusya Jwi eelyo kuzwa akati kabo. Ba ka Mu tanda.

¹⁷³ Jesu wakati, "Ikuti na baita Simalela wa ng'anda kuti, 'Beezebule,' ino nkunji buti nkoba yoita basikwiya Bakwe?"

¹⁷⁴ Amuyeeye, mu Ciyubunuzyo 3, ku Bukkalo bwa Laodikeya. Oyu ngu Laodikeya; citondezyo ca Sodoma ceelede kuboola. I Jwi, “Amujokele ku Ijwi, amuzwe ku tuyanza twabuzumini a tubungwe otu, aku pilukila ku Ijwi,” cindi Ca boola, kweendelana ku Ciyubunuzyo 3, Wa katandilwa anze lyambungano, mbuli buyo mbo kwakabede kaindi.

¹⁷⁵ “I citondezyo cili kaboutu, pele kutali Jwi.” Ta bayandi cintu cakucita a Jwi. Peepe, peepe; Jwi. Pele Musa wakati, ikuti na taba, na . . .

¹⁷⁶ Leza wakaambila Musa, “Ta bakasyomi elyo jwi litaanzi lyacitondezyo citaanzi, kaba sole ku jwi lyabili. Elyo ikuti na taba kaciti eco, mpawo koya kateke meenda akwaatila ansi.” Eco cila cibamba. Kwa mana. “Kosamba, kunkumuna i—i kunkumuna lusuko kuzwa ku matende ako,” mu majwi amwi, mbuli Jesu mbwa kaamba. Kati, “Koteka meenda kuzwa mu mulonga, kwaatila ansi, ayooba bulowa, a kutondezya kuti obo mboiya teta mu, bulowa.” Aboobo mbombubo ncobeni mbo cakabede.

¹⁷⁷ Ikuti na tii ba kasyoma citondezyo, nkokuti citondezyo catatu caka cicita kasimpe. Yoonse milimo ijisi zitondezyo zyotatwe, ikuti na wa katumwa kwa Leza. Jesu waka jisi zitondezyo zyotatwe. Musa waka jisi zitondezyo zyotatwe. Nowa waka jisi zitondezyo zyotatwe. Eliya waka jisi zitondezyo zyotatwe. Zintuzyonse ziboola mu zitondezyo zyotatwe. Amubone. Amuswiilile, beenzuma.

¹⁷⁸ Kuya busiya aniini. Ndi jisi . . . Oh, ma, Tii ndazi kuti ciindi cili manide, kwainda kkota.

¹⁷⁹ Ikuti na mulakonzya kusyoma citondezyo cina Sodoma, ca Luka, mwabona, mbuli Mbwa kacisyomezya; mwa syoma citondezyo cina Sodoma, mpawo nkaambonzi tamuli tambuli Jwi lya Malaki elyo litobela citondezyo, ku “jokela ku Ijwi”? [Kabeela katakwecintu aa teepu—Mul.] I Bbaibbele mbolyakaamba obo, elyo mwa cibona, mpawo amuswiilile ku Jwi lya citondezyo.

¹⁸⁰ Amutije bukali buboola! Muta yeeyi kuti, “Nkaambo Ndi zulilwa ku UPC, Assembilisi ya Leza, Methodisti, Baptisti, Presbyteria, Ndi jisi nguzu zya kunjila.” Leza ulakonzya kubusya mabwe aya ku bana ba Abrahamu. Amucebukile ku Ijwi! Kutantamuka kuzwa kuli zyanyika zyanu a ziyanza zyanu zyatubunga, azintu. Leza uyo zinyonyoona kuzwa atala lya nyika. Uyo zibabbizya kunsu lya lwizi lwa kuluba, mbubonya buyo Mbwa kacita Egepita cindi Na kaita ba Israyeli, cisi kuzwa mu cisi. Cindi Aita Nabwiinga kuzwa mu mbungano, uyo inda mu mapenzi mapati, ku tesya bulowa atala a nyika. Amutije bukali bulangilwa kuboola, nkambo kwa swena!

¹⁸¹ Tamu konzyi kubona zintu ezi kakunyina . . . Ta ndizi nco muyeeya kujatikizya nzizyo. Ndi jisi buyo mulimo wa kuzibala a kwaambaula kujatikizya nzizyo. Cili kuli ndinywe! Mula konzya

kusyoma citondezyo, mpawo amusyome Jwi eelyo litobela citondezyo. Oh, ma!

¹⁸² Amulange, Musa, imukozyanyo wakuzwa lino. Wa keelede kwaambila bantu abo makani aa cisyomezyo caka pegwa ku matata. “Nda ibaluka cisyomezyo Cangu ku matata abo.” Elyo lino ncini—ncizi Musa ncaeledge kucita? Ku josya myoyo ya bantu kuli ceeco ba matata nco bakaamba. Elyo mbuli Musa mbwa kabede kaindi, mbubonya mbwabede a Malaki 4, “ku josya bantu ku Lusyomo lwa matata.”

¹⁸³ Kulimvwa kuzumbauzya koonse oku kwa tubungwe, azimwi zimbi, amujokele ku Ijwi! Ndili muzi, bantu banji balayanda kucita boobo; Nse bwekele buyo okuno. Aya mateepu aunka ku inyika yonse, mwabona, kumasena onse. Nse bwekele ndinywe, pele Ndi bwekele uli oonse, oko nko izulilwa. Ndili sikubyala Mbuto. Nkukoonse oko Nkwe ndizi. Cili kuli ndinywe kupanga muzeezo. Amutije bukali bulangilwa kuboola, nobantu!

¹⁸⁴ Utayeeyi kuti nkaambo uli muna Pentekoste. Utayeeyi kuti nkaambo banyoko bakali ba Methodisti babotu, ba kasalazigwa, na bauso mba Baptisti, baoongolola kabetu. Utayeeyi kuti eco ciyooba acintu cakucita kuli nduwe. Utayeeyi kuti nkaambo uzulilwa ku mbungano eyo njo bakayaka, na mbungano eyo njo yaka lino. Muta yeeyi kuti nkaambo nywebo noba Pentekoste mwa kaambaula mu myaambo a kuzyana mu Muuya, a kuzuzaana koonse akoonse aa cibuye, myaka ili makumi one yainda. Muta yeeyi kuti nkaambo mwaka jisi miswaangano yakuponesegwa, azimwi zimbi.

¹⁸⁵ Muta kakilwi kubona citondezyo eco, ca Musumpululu wa Mulilo, eco Leza ncasimpikizya; a Jwi kunze lya Ncico, ku cebukila, kujokela kuli Leza. Muta Ci lekeli kumwiindilila. Nceeco citondezyo a Jwi.

¹⁸⁶ Cindi muntu abuka kajisi citondezyo, kuyeeya kumwi nkukonya kwakale, kuli cintucimwi cilubide, tazwi kuli Leza. Oh, ma! “Amululamike nzila Zyakwe lino zitonkomane!” Lino, mula cisyma? “Mpawo amujokele, O noboofu a basabalangene, kuli mwanu.” I Bbaibbele . . . I mulembi wanyimbo wakati:

Masi ali alimu kumwaika, Israyeli ilimu
kusinsimuka,
I zitondezyo zyakaambwa mu Bbaibbele
kumbele;
I mazuba a Bamasi aceya, a kuminwa kwa
mafwbabi;
“Amujokele, O nomumwaikide, kuli mwanu.”

¹⁸⁷ Amupiluke! Amujokele! I musinsimi wa kati, “Kuyooba Mumuni ku ciindi caku mangolezya.” Kakutanaba buyo kuti izuba lisiye mbi cakumaninina, kuyooba Mumuni. Amweendele mu Mumuni kuciindi Mumuni nouliko. Kwakwiinda kaindi

Kkanso ya Mambungano aabunakristo iyo mutola, nkabela kunonyina nzila ya Mumuni mpawo.

Atu kotamike mitwe yesu.

¹⁸⁸ Taata Wakujulu, cili mu maanza Ako lino. Nda—Nda byala Mbuto. Nse zyi nko Ziyo wida. Nda komba kuti Uyo Zi longezya kufumbwa oko Nko zibede. Elyo akube kuti Zi ka jane masena Azyo kunsu kwini, kujana akuzyula koonse masena oonse aajisi mabwe loko, a miyanda yoonse ya ziysa zisiya, elyo mbuli mbo kwa kabede, a kugusya kutasyoma koonse kuzwa munzila. Ko cipa, Taata. Twa tuuia eci kuli Nduwe, mu Zina lyu Jesu Kristo. Ameni.

¹⁸⁹ A mitwe yanu kiikoteme, meso aanu kafwinyide. Juunza masiku ncipobwe. Basizibi ba muunzi, Ndiyo... Mwami nawayanda, Ndiyo elela ku kanana kuli mbabo. Ndi kanana ku mbunga isangene lino. Inga nseba a camba kukambauka ceeci; inga ca baofwaazya maningi buyo kwiinda lyoonse, a muswaangano mbuli oyo.

¹⁹⁰ Pele, nywebo, sunumasiku, sena mula syoma kuti mwabona citondezyo, alimwi mulakonzya kumvwa Jwi, ikuti na mwacita a kusyoma? Elyo tamu—tamu na, mula syoma pele tamuna Li tambula, Kristo mu buzule Bwakwe, Sa inga watambika janza lyako? Nkabela akube kuti mutwe oonse kaukoteme lino, a meso oonse kajalidwe. Tambika janza lyako, kwaamba, “Kondi yeeya, Mukwesu Branham, mbuli mbo komba.” Ndiyo kkomana kucicita. Leza amu longezye.

¹⁹¹ Taata wesu Wakujulu, Bbaibble lyakati, “Boonse baka syoma bakabbizigwa.” Nda komba, Mwami, kuti bantu aba batambika maanza abo, kuti basyome muli ncico. Taba nabapatizingwa mu lubapatizingyo lwa Bunakristo, akube kuti bajane mbungano eyo ilucita, a kubapatizingwa. Ko cipa, Mwami.

¹⁹² Akube kuti batabapatizingwi biyo a meenda, buyo cili calo—calo ncicitodezyo caanze cakuti cintucimwi mukati cacitika. I Bbaibble lyakati, “Kuli Lusyomo lomwe, Mwami omwe, lubapatizingyo lomwe,” alimwi lubapatizingyo olo ndubapatizingyo lwakumuuya. I mibili mukusanzigwa, mbulunguluzi buyo, na kupa citondezyo kuti cintucimwi mukati cacitika. Pele mboobo buntu obo bweweledge kubapatizingwa, ku Muuya Uusalala, obo Butamani buboola mu bulenge bwa buntunsi a kubucinca koonse, ku bubamba musyomi. Nda komba kuti bayo tambula Muuya Uusalala. Nda basungilizya kuli Nduwe lino, mbuli zilumbo zya Mulumbe, a zya luzyalo lwa Kristo. Mu Zina Lyakwe, Nda komba. Ameni.

Lino a mitwe yanu kiikoteme, cabulemu.

¹⁹³ Ndi jisi buyo maminiti ali ciloba, Nse—Nse konzya kuzwa mu ciindi. Ni—Ni—Ni ndata konzya kuba a mundando wa mipailo mu ciindi cinji booboo. Ndiyo mulomba kukkala nkoonya nkomubede. Nda usa kumukkazika cakumuka. Tuyo kombela

bantubonse. Nywebo nobantu, bamwi banu okuno abo bajisi makkaadi a mipailo, muta pengani, tuyo musikila.

¹⁹⁴ Pele tuyo bona buyo ikuti na Muuya Uusalala uyo yubununa kuli ndiswe lino, ikuti na mulasyoma muli Nguwe a kusyoma kuti eci nce ncitondezyo. Amuyeeye, Angelo, Wa kali muntu; Wa kalya, Wa kanywa kumbele lya Abrahamu, elyo nekubabooobo Wa kali, a Sara mu tente, Wa kali kukonzya kutweluka miyeeyo yakali mu moyo wakwe. Eco cakali citondezyo. Wa kali Ijwi. Lino ikuti Ijwi lyakonzya biyo kuboola kuli ndiswe, mpawo, akwalo, Wa kasyomezya kucita cintu nciconya.

¹⁹⁵ Lino nywebo oko mu bbunga lyabantu, abo bata jisi makkaadi aa mipailo, alimwi mulizi kuti tamu kooba mu mundando, Nse konzyi kutweluka kuti ncili citakutu Mwami wandi tondezya. Ndiyo... Elyo mula syoma kuti Leza ncobeni ulaponya baciswa. Ndi—Ndi muyanda ku—ku syoma ndyoonya lino, kwa maminiti masyoonto. Elyo a kokomba buyo, a kwaamba, “Mwami Jesu, Ndili muzi mwaalumi, ukanaana, walo—walo mwaalumi, pele wandaambila ceeco, nca twaambila sunumasiku, a kicitondezya kuli ndiswe; kuteeti, Muuya Uusalala, oyo inyika ngo itakonzyi kujaya.”

¹⁹⁶ Ba kali kukonzya kujaya Jesu nakali mu mibili; baka Mu jaya. Pele lino Wa kabuka, mu cimo cabulemu, Ta konzyi kujaigwa limbi pe. Elyo Wa kati, “Ii kaindi kaniini nkabela inyika taika Ndi boni limbi. Nekubabooobo, nywebo,” bakakanzwa, abo bakaanzilwa Buumi Butamani, Mbungano, Nabwiinga, “muyo Ndi bona, nkambo Ndiyo oba andinywe, akwalo muli ndinywe, kusikila kumagolelo. I zintu Nze cita mayo cita anywebo.” Zisyomezyo ezi zyoonse Nzya kaanza.

¹⁹⁷ Lino, Ndi lizi cindi Na kali ano aa nyika, Walo, Leza wakali muli Nguwe. Wa kali Leza. Wa kali buzule bwa Leza. Wa kali Ijwi lya Leza mbolizulwa lya kayubululwu.

¹⁹⁸ Elyo Bbaibbele licili Leza, Ijwi, nkabela kucili ciyubunuzyo cimwi ceelede kuyubununwa. Elyo Wa kati, “Mu mazuba aakumamanino, cindi inyika yaakuba mbuli Sodoma alubo, Mwana wa muntu uyo yubununwa.” Elyo citondezyo cina Sodoma ciyo jokela, mpawo Jwi liyoita kupilusya bantu, abo bakakanzilwa Buumi.

¹⁹⁹ Tu lizi, cindi Na kali waano, kwakali bantu bali mamilioni aa nyika, abo batakazi kuti Wa kaliko ano; taakwe kaambo kakuziba. Mwabona? Wa kasikila baabo bakakanzilidwe ku cibona.

²⁰⁰ Lino amukombe. Lino amubatame ncobeni. Muta endeendi. Kufumbwa mpo mubede, mabbalukoni, aa zibuye zyaansi, kufumbwa mpo mubede, muta—muta endeendi, amukkale buyo cakaziizi ncobeni, a kukomba.

²⁰¹ Amba, “Mwami Jesu, Bbaibbele lyakati, mu Bahebrayo 4, kuti ndyoonya lino Uli ‘Mupaizi Mupati oyo ukonzya kugumwa

kwiinda kukulimwa kwa kulengauka kwesu.' Elyo tula Ku bona aa nyika, cindi No kali waano aa nyika, mwanakazi muubauba ciindicimwi waka guma cikobela Cako, nkabela Wa kavuuluka, a kuti, 'Nguni wa Ndi guma?" Waa kali sisa mwini, pele nekubaboobo lusyomo lwakwe lwaka zibwa. Jesu waka mwaambila kujatikizya penzi lyakwe lya kuzwa bulowa, a kuti "lusyomo lwakwe lwa kufutula." Lino Mupaizi oyo mupati nguwenya. Ikuti na Ngu mbobuca nguwenya, sunu, amuya myaaka, Uyo elela kucita nzila njiyonya, ikuti na wa—ikuti na wa Mu guma.

²⁰² Elyo eco cicita nzi mpawo? Kweelede kuba mubili wabuntunsi, aa nyika, ku kanana Jwi Lyakwe. "Ndili Cisiko camasaansa, nywebo muli mitabi." Kunyina nzila yaku ceenguluka, beenzuma. Lwalo Ndugwalo kasimpe. Bwalo Mbwini. Nywebo no bakutausi sena mula syoma obo, kusule oko? [I bakutausi baamba, "Ameni."—Mul.]

²⁰³ Lino anze okuya, amubatame buyo ncobeni a kukomba, kwaambla, "Mwami Jesu, ndilekele kujata cikobela Cako."

²⁰⁴ Elyo mwabona umwi uli munsi maningi kuli ndime, ntukokola tuli makumi obilo na kwiinda. Nse zyi muntu anze okuya. Nse konzyi akwalo kubona muntu oyo Ngwe zyi kabotu, sunumasiku, bakkede awa; cita Pat Tyler ukkede kumbele okuno, mweenzuma wangu. Kuli bantu a tulo tuniini, tubwezelotwa balwazi maningi.

²⁰⁵ Twa kabona kaambo ka kabwezelotwa balwazi maningi busiku bwainda, a muntu waka nyamuka a kwenda kuzwa. Nkaambonzi tamu konzyi nyoonse, sunumasiku? Mwabona, amusyome buyo, nkukoonse oko nko mweelede kucita. Busyu Bwakwe buyo cicita. Ngooyu Mpali, muyo elela kwima munsi Lyakwe kuyo mibusya ku mazuba aakumamanino.

²⁰⁶ Lino, nywebo nomusyoma, a kuyeeya kuti muli mukukomba cakuzwidilila, amulange buyo ku nzila eyi lino.

²⁰⁷ Mbuli Petro a Johane mboba kaamba, "Kotu langa." Elyo bakalanga cakusinizya, mwaalumi wakacita, kalangila kubona cintucimwi. Wa kat, "Nsiliva a ngolida Nse jisi, pele eco mbuli Nce jisi . . ."

²⁰⁸ Lino, Nse jisi kuponya, pele mbuli Nce jisi, cipego kuzwa kuli Leza, Nda mupa. Ikuti na muvo cisyoma buyo, Leza uyo cibeleva. Ndi mulomba biyo ku cisyoma. Eco mbuli Nce jisi, Ndiyo mupa. Ikuti na muvo cisyoma, Leza uyo cibeleva. Amu cisole buyo.

²⁰⁹ Mpaawa, mpaawa mpo Cili lino. Ameni. Nda ciyanda eco. Kuli mulindu ukkede mpoonya awa. Ubaanga ulineneede maningi, ukkede mpoonya awa aamamanino. Sena uli jisi kkaadi lya mipailo, mulindu? Ubaanga ulineneede maningi . . . To jisi ii . . . Mpoonya awa, sena to jisi kkaadi lya mipailo? Iiyi. To jisi kkaadi lya mipailo? Ula syoma, nekubaboobo? Toya ndikani kkaadi lya mipailo, ikuti na ula syoma.

²¹⁰ Kuli kujokoloka mu jwi, nke kaambo ncocili ciyumu kwiita bantu mbuli boobu, pele amusole kundi swiilila kabotu loko mbuli mbo mukonzya lino.

²¹¹ Nse kuzi. To jisi kkaadi ly a mipailo, nkokuti tokooba aa cibumbili. Ikuti na Leza uyo yubununa kuli ndime penzi lyako mbolibede, sena uyo syoma eco (nzi?) ciyooba cintu nciconya mbubonya Mbwa kayubununa ku mwanakazi penzi lyakwe mbo lya kabede? I mwanakazi ku mukalo? Sara, eco nca kaambide, azimwi zimbi? Sena ula syoma obo? Ula syoma kuti ciyooba kabotu?

²¹² Uciswa penzi lya bulowa, cintucimwi cili lubide ku bulowa bwako. Ikuti na kuli luleme, tambika janza lyako. Yaa. Toli jisi lino. Caba Mumuni atala lyako. Jesu Kristo waku lemeka.

²¹³ Lino, Nse na mubwene mwanakazi, mu buumi bwangu. Lino ncinzi eco? Ceelede kuba Muuya. Lino ula konzya kwaamba mbuli ba Farisi, “Oyo ngu dyabulosi,” ee, kotambula bulumbu bwako. Yebo wati, “Ngu Kristo,” kotambula bulumbu bwa Kristo. Ndi syoma kuti ndi Ijwi kalilizibya mu buzuba obu bwamamanino; kutali ndime.

²¹⁴ Ngooyu, ngooyu mulindu umbi muubauba ukkede ansi awa. Uciswa kuzimba akupilingana kwansinga zyamalowa ku maulu. Ujisi buyumuyumu bwakusilikwa. Ujisi penzi lya moyo. Ukombela umwi tuyandwa, oyo munyina. Uli mukoomoka lino. Uli mu lukwabano. Oyo munyina ucisidwe maningi. Ndi penzi lya kumvwa nyota a kusuba maningi. Elyo, akwalo, ujisi cimvule cimbi, ngu sizibi. Elyo uli muku mukombela. Mbo mbubo. Muka Welton, ikuti na uyo syoma a moyo wako oonse, Leza uyo mucitila. Ula syoma obo? Ayo mazina ako.

²¹⁵ Lino sena nceeco biyo Jesu nca kaambilia Simooni, “Zina lyako ngu Simooni, uli mwana wa Jonasi”? Koba buyo a lusyomo. Utu cizumbaauzyi. Kocisyoma a moyo wako oonse. Ikuti na ulacisyoma, Leza uyo cileta kucitika. Ikuti wakonzya buyo . . .

²¹⁶ Ngooyu, ngooyu mulindu muubauba ukkede mponya awa, ulangide nkoonya kuli ndime awa. Ubaanga ujisi masusu asubila. Masusu akwe akweledwe kusule.

²¹⁷ Sena tamu konzyi kubona Mumuni oyo, ubaanga ulasalaluka ayelo, uzunguluka atala lya mwanakazi? Ulizi kuti cili mukucitika ndyoonya lino, nkambo uli Umvwide. Uli munsi loko kuli nguwe, ta konzyi kucigwasya kuta Umvwa. Ikuti na mbo mbubo, mulindu, tambika janza lyako. Ngooyo we.

²¹⁸ Lino Ndili mweenzu umaninide kuli nduwe. Taakwe cintu Nce zyi kujatikizya nduwe. Pele wali kkede awo kokomba. Mbo mbubo. Ikuti na kuli luleme, vukauzya janza lyako mbuli *obu*. Lino, ikuti na Jesu Kristo Mwana wa Leza, kwalo Mbwa bede, Mupaizi Mupati ukkede ku janza lya lulyo ilya Leza . . . Elyo Ndi imvwi buyo ano kwiinda ku cipego, a lwangu ca . . . kuzwa, kuzwa buyo mu kubuzyabuzya kwa buntu, kutali kuyeeaya kuli

Iwangu; nzila yakupumuzya mizeezo yangu a kuyeyya, aku lekela buyo Leza kunjila. Sena ula syoma kuti Uli...Mebo, Leza ulizi kuti Nse kuzi; a yebo ulizi mbubonya. Aboobo ikuti na Leza uyo yubununa kuli ndime pezi lyako, na cintucimwi ncolindila, ncoyanda, na cintucimwi ciinda, sena ula syoma kuti Leza uyocita, konzya kucita ceeco?

²¹⁹ Ujisi penzi ku musana wako. Nce cimwi ca zintu nzo kombela. Alimwi ujisi penzi ku meso ako. Sena ula syoma kuti Leza uyo aponya akwaabamba kuba kabotu? Ula cita na? Ula cita na? Sena ula syoma kuti Leza ulakonzya kundaambila kuti nduweni? Muka. Hallman, kosyoma a moyo wako oonse lino, ula konzya kutambula eco ncolomba. Sena ula syoma?

²²⁰ Ngooyu mwanakazi mupati ukkede kulaale aniini kusule lyakwe okuya. Ula komba, akwalo. Ujisi penzi lya kuba a nyota akusuba maningi. Ndi syoma kuti takoiimpya eci. Cili atala lyakwe. Ubaanga uli cembeede. Kwakaindi buyo kaniini, Mwami andi gwasye lino. Walo...Ngooyo wa cijata. Yaa. Nda bona cindi naali mu lukwabano. Ta zwi kokuno. Uzwa ku Louisiana. Dolopo lyakwe—lyakwe mbusena bwiitwa kuti Singer, Louisiana. Elyo uciswa kuba a nyota akusuba maningi. Zina lyakwe ngu Muka. Doyle. Ikuti na mbo mbubo, tambika janza lyako. Yaa. Ndili mweenzu umaninide kuli nguwe, nsena mubwene mu buumi bwangu. Pele Jesu Kristo, Mwana wa Leza, ulizi koonse kujatikizya nduwe.

²²¹ Ngooyu mulindu ukkede kusule okuya, uzwa ku dolopo ndilyonya, busena butegwa Singer. Uciswa kwiindila kwakufundilila kwa bulowa. Elyo zina lyakwe ngu Clark. Sena ula syoma, Muka.Clark? Yaa, inga watambula eco ncolomba.

Sena mula syoma? [Mbunga yaamba, “Ameni.”—Mul.]

²²² Nceeco citondezyo! Amuswiilile ku Jwi! Mweempwe, amujokele kuli Leza cakufwambaana mbuli mbo mukonzya! Jesu Kristo mpali ano mu Nguzu zya bubuke Bwakwe; nzyalani mbyaabii aisoeweete yatambula citondezyo ca Jesu Kristo kapona akati ka bantu.Ta kakonzya ceeco buyo kuli ndime, kweelede kuba ndinywe, anywebo. Mwabona, mwanakazi wakacita kuguma cikobela Cakwe. Mwa cita kuguma cikobela Cakwe. Tuli zibelesyo buyo.

²²³ Sena mula syoma a moyo wanu oonse? Lino ikuti na mula syoma kuteeti... Mbangaye bacisyoma, amutambike maanza anu, mbuli *obu*, kwaamba, “Nda cisyoma ncobeni.”

²²⁴ Lino ikuti na mwa cisyoma, Jesu wakaamba obu, “Zitondezyo ezi ziyo batobelabo basyoma; ikuti na babikka maanza aa balwazi, bayo pona.” Sena mula syoma obo?

²²⁵ Lino kwasiya loko. Ta tukwe ciindi. Tu jisi maminiti ali makumi obilo aosanwe lino kusikila teeni. Sena inga mwa bikka maanza anu atala lya umwi umwi, mpawo? Elyo amu cite buyo

mbuli Mbwe mwaambila lino, amubikke buyo maanza anu ali umwi aumwi.

²²⁶ Lino nywebo mulizi, zibuye zyaatala, kuli koonse. Lino nywebo mulizi, kabotu mbuli kufumbwa cintu lino, nilwamana kukambaukwa Lugwalo a kuzibisigwa caantangalala nzila yoonse mu buyake.

²²⁷ Nda bona umwi umbi, ndyoona lino. Mwabona? Elyo aumbi mpoonya awa, penzi lya gilandi ku subilo. Ii mulindu ujisi TB. Uh-huh. Kwaamba, Uli kubusena boonse lino, pele Ula mu kompamya.

²²⁸ Ndwaandano nzi, nkuuli kumbi? Mwa bona bali makumi osanwe, ziindizimwi kuli boobo, elyo muyanda kubona bali makumi ali ciloba ciindi citobela. Jesu waka cita eco ciindi cimwi, ku Sukari, nkabela dolopo lyoonse lyaka Mu syoma. Ba kali kulangila Mesiya.

²²⁹ I Mesiya uli waano, Muuya Uusalala, Mesiya wa buzuba obuno; Mesiya oyo ubamba Ijwi kusimpikizigwa, lya cisyomezyo Cakwe.

²³⁰ Lino Ndi yanda umwi aumwi wanu, mbuli mbo mubikka maanza anu ali umwi aumbi, ikuti na muli basyomi. Lino tali kombeli lwako. Kombela muntu oyo, elyo bayo kukombela. Lino, i Ijwi ndilyonya lyaka syomezegwa mu mazuba aya akumamanino, kasyomezya akwalo . . .

²³¹ Elyo amuyeeye, Jesu wakati, "Zitondezyo ezi ziyo batobelwa abo basyoma." I kuponesegwa, kakujokela, ndi jwi lya kuti citondezyo ca tambulwa. Bala bikka maanza a balwazi, mbuli citondezyo; jwi ngu "Aleluya, Mwami wandiponya!" Lino ikuti na zitondezyo ezi ziyo enda a Jwi, citondezyo eco, ikuti na uli musyomi, liyo enda amwi. Ijwi liyo enda a citondezyo.

²³² Ikuti na Nda mupa citondezyo eci, eco Nce mwaambila kuti cizwa kuli Leza, alimwi Leza wa kacisyomezya ku buzuba obu; caka bikkwa kabotu loko cakumaninina, kunyina cintu pele muhedeni unga watantamuka ku cisyoma. Mwabona? Mpawo Leza wakavuuluka aku cizibya, ku cibamba boobo. Lino Mpali ano.

²³³ Lino aumwi, mu nzila njo komba ku mbungano yako omwini, ikuti na nkuuli lwako, kulimvwisia, kufumbwa mbocibede, kokombela muntu ngo bikkide maanza ako, nkambo bala kukombela.

²³⁴ Elyo lino amulangumane. Elyo mu Busyu bwa Mesiya, Kristo, Oyo Wakabuka, ucipona nokwakainda myaka ili zyuulu zyobil, mbobuti mbo tu konzya kulebuka loko obu mu Muuya? Eco ceelede kubikka cisi eci a Mulilo. Eco ceelede kubamba Beaumont kweempwa, mu zisani zya masaka atwe. Pele sena iyo cicita? Peepe.

²³⁵ Pele nywebo nomu Mu langila, a ku syoma kuti Uyo cicita a kubamba Ijwi Lyakwe, cili kuli ndinywe lino cisyomezyo nko capegwa. Kobikka maanza ako a muntuumwi a kukomba, kuciindi Ne mukombela okuno.

²³⁶ Mwami Jesu, kunji kwaambwa, kunji kwa citwa. I Ijwi lyakasyomezegwa lya yubululwa. I Mesiya, Kristo wa Leza, uli mu Buusyu bwa Buleza. Tula Mu mvwa. Tula Mu bona. Tu lizi kuti Wa kasyomezya ceeci mu mazuba aakumamanino. “Mbuli mbo kwakabede mu mazuba a Sodoma, mbubonya mbo kuyooba cindi Mwana wa Muntu ano yubununwa.” Mpawo, tu lizi.

²³⁷ Tula bona i—i mulilo mu milengalenga, maatomikki bbomu. Tula bona masi kaaligwa mvunyu, masi ali mukumwaika. Tula bona kuti Israyeli uli munyika yakuzyalwa. Citondezyo acimwi cakakonzya kusyomezegwa, ca zulizigwa. I cintu citobela Mwana wakasyomezegwa, Kuboola.

²³⁸ O Leza Uutamani, mu Busyu bwa Jesu Kristo, Muuya Uusalala mulemu oyo uli waano lino kuzibya kuti Mpali ano, koteelela mupailo wa bantu aba, koteelela Banakristo aba; kutegwa, cindi Nda kuunka, taba kaambi kuti, “Mukwesu Branham wakacita ceeci.” Muntuumwi umbi ngo bata kazi, waka bikka maanza ali mbabo, elyo baka ponesegwa. Pele Wa kasyomezya kuti Jwi lyakajisi citondezyo kuli ndilyo. Elyo akube kuti baponesegwe, mbuli Mbwe batuula kuli Nduwe, mu Zina lya Jesu.



I JWI LYA CITOONDEZYO TNG64-0313
(The Voice Of The Sign)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Bwasanu mangolezya, Miyoba 13, 1964, ku Municipal Auditorium mu Beaumont, Texas, U.S.A., wakagusigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2019 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org